



西湖志

ル 5
1100
15





西湖志卷之三十五

藝文五

詩 五言律

舟次武林寄天竺僧無畫

唐許渾

谿長山幾重十里萬株松
秋日下丹檻暮雲歸碧峰
樹棲新放鶴潭隱舊降龍
還在孤舟宿卧聞初夜鐘

夏日登靈隱寺後峰

唐方干

絕頂無煩暑登臨三伏中
深蘿難透日喬木更含風
山疊雲霞際川傾世界東
那知茲夕興不與古人同



浙江觀潮

唐 朱慶餘

不知來遠近但見白峨峨
風雨驅寒玉魚龍迸上波
聲長勢未盡曉去夕還過
要路橫天塹其如造化何

上湖間泛艤舟石函因過下湖小墅

宋 林逋

平皋望不極雲樹遠依依
及向扁舟泊還尋下瀨歸
青山連石埭春水入柴扉
多謝提壺鳥留人到落暉

西湖舟中值雪

宋 林逋

浩蕩彌空闊霏霏接水濱
舟移忽自卻山近未全分
凍

軫閒清泛溫鑪擁薄薰
悠然咏招隱何許欸離羣

北山寫望

宋 林逋

晚來山北景圖畫亦應非
村路飄黃葉人家濕翠微
樵當雲外見僧向水邊歸
一曲誰橫笛蒹葭白鳥飛

寄西湖林處士

宋 范仲淹

蕭索遶家雲清歌獨隱淪
巢由不願仕堯舜豈遣人一
水無涯靜羣峰滿眼春
何當伴閑逸嘗酒過比鄰

西湖筵上贈胡侍郎

宋 范仲淹

官秩文昌貴功名信史褒
朝廷三老重鄉黨一疏高勳

西湖志 卷三十五 二
業盡圖籍子孫皆俊髦西湖天下絕今日盛遊遨

西湖泛舟

宋 梅堯臣

水消湖已涿渺渺鴨頭春草學吳兒刺吟希楚老新對
山憐去鳥隔樹識遊人誰念滄江上風柔採白蘋

西湖閑望

宋 梅堯臣

夏景已多趣湖邊日更嘉園葵雜紅紫岸柳自欹斜雨
氣收林表城陰接水涯愛閑輸白鳥盡日立汀沙

同諸韓及孫曼叔遊西湖

宋 梅堯臣

晚日城頭落輕鞍果下涼野蜂銜水沫舟子剝菱黃木

老識秋氣徑幽聞草香幅巾聊自檢不作楚人狂
爍電未成雨涼風先入衣青天忽開影紅日尚餘暉
蝶作團起蜻蜓相對飛謔嘲不覺夕跨馬月中歸

步西湖次韻徐南卿

宋 陳造

載酒尋幽地乘閒得再臨鸝黃啼曉霽魏紫笑春深
撫事揮犀管他時夢鶴林心期更闕寂物理付升沉
楊園鶯絕嶺萬象赴窺臨坐久嵐霏潤來時翠碧深
鶯花自佳處魚鼓亦叢林誰在飛塵外芸芸付陸沉
山寺曾題竹尋詩記所臨緣雲俯空曠捫石探幽深
倦

鳥低平野薦花下碧林沙頭催喚渡空水遠沉沉

水月名園春猶淺提壺記此臨雲煙淡閑寂魚鳥媚清深

堤路俄人海侯家或肉林高樓下金彈簾影渺深沉

西湖千頃畫政用好詩臨鑒揭霧鮮駭屏紆雲淺深鈿

車隨寶馬紅舫度青林歸去開囊錦君先炷水沉

三月二日遊西湖諸公有詩次韻宋周紫芝

水繞青山寺人攜白玉觴晴春方爛漫醉眼自微茫舟

穩欺風軟杯深送日長誰家載歌管紅袖立斜陽

次韻馮員仲正字湖上有作宋王十朋

甌蜀異鄉客西湖同日看浪花隨去棹風絮逐歸鞍水

浸吳天闊山涵佛界寬春光無限好共愧得微官

憶西湖宋高翥

西湖春二月結客少年遊駿馬黃金勒長身紫綺裘愛

花論擔買嗜酒滿船浮兩載緣何事台州又越州

湖邨晚興宋葛天民

殘霞伴孤鶩遠樹雜斜暉秋向詩中出人從畫裏歸柳

塘雙槩急茆舍一燈微小艇穿籬入蒲蓬正擁扉

湖上夜歸宋葛天民

陌上紅塵歇湖中翠靄生定鐘山寺迴新月夜船清蛙
亂鳴方急鷗閒睡不驚兒曹知我到認得打門聲

秋日西湖閒泛

宋 葛天民

雨洗千峰曉波涵萬境秋菱花開古鏡蓮葉渡輕舟思
遠人誰識身閒世不收望中時得句倚櫂雜吳謳

清明前四日泛湖

宋 葛天民

繞岸堆青嶂遊船滿綠波橫臺臨水近楊柳占春多老
去誰同調尊前且放歌韶華能幾日隨棹已新荷

西湖

宋 葉紹翁

何處春晴好西湖元巳朝馬嘶堤上路船過柳陰橋敲
竹雀聲起弄泉花影搖坐看遊客盡煙水思迢迢

湖上

宋 戴復古

久住人情熟湖邊酒可賒來時飛柳絮今日見梅花十
載身為客幾封書到家斜陽照林屋獨立數棲鴉

湖蕩

宋 朱繼芳

雙橈入天影野葑綠全交魚唼垂絲柳鷗眠折葉菱行
人沿岸曲落日挂林梢歸去巖城隔僧門尙可敲

寄西湖友人

宋 林尙仁

湖邊春更好別後費吟思載酒曾遊處憶君同醉時面
風花落易背日雪消遲早晚攜琴去山中與鶴期

西湖獨步

宋沈悅

平湖開霽色寒碧照空心小立背橋影緩行隨柳陰幾
年勞遠夢到日記曾吟荷蕩成菱地蕭蕭秋意深

春晚湖上

宋俞桂

花事已成休都人懶出遊水添煙浪闊山帶夕陽愁柳
樹鳴黃鳥沙堤卧白鷗不辭歸路遠何必買扁舟

春晴泛湖

宋薛嵎

平湖新漲綠沙背淨涵波芳草思無際春風情最多移
舟動山影止樂聽漁歌得意惟鴻鵠高飛避網羅

湖亭席上

宋武衍

寒食梨花月新晴楊柳風愁融山色裡興極酒杯中綠
髮日夜變青春今古同忍教行樂處容易夕陽紅

雪晴泛湖

宋胡仲參

雪後湖清淺令人心眼開林疏知寺近冰合碍舟回寒
色欺吟髻斜陽入酒杯山行已清絕况復是尋梅

晚涼湖邊散步

宋陳鑒之

暑氣湖山薄晚風巾袂涼蟬鳴便柳蔭鷺立領荷香大
舸鼓聲急小軒茶味長獨遊原更妙細細踏斜陽

湖上

宋 陳允平

流水斷橋邊笙歌擁畫船日酣花半醉春困柳三眠策
杖登雲洞觀魚上玉泉鳳城歸去晚山鎖萬重煙

同杜北山鄭渭濱湖邊小憩

宋 徐集孫

與朋看落葉捨棹踏湖西野店傳杯酌殘陽索品題雲
隨波影動山被柳陰迷一點寒鴉過知他何處棲

和訪使徐容齊西湖韻

宋 何夢桂

一幅西湖畫誰將淡墨揮水浮孤嶼出山約五雲飛雨
洞猿歸濕煙林鳥度微龍舟雙翠楫曾此夜遊歸

春日同友人遊湖上

宋 釋斯植

十里湖邊路垂楊映馬蹏水光平野闊山影繞樓低夜
雨生青草春風濕紫泥興來無限意同此片時題

湖上新居

元 鮮于樞

吾愛吾廬好臨池構小亭無人致青李有客覓黃庭樹
古蟲書葉莎平鳥篆汀悅生堪自樂詎肯苦勞形

伊昔四首

元 于石

伊昔西湖柳清陰滿畫樓午涼欹舞扇晚雨繫漁舟春
盡花無主風寒葉自秋六橋今在否空憶舊時遊

伊昔西湖上孤山幾樹梅斷籬深院落流水舊亭臺明
月無今古清風自去來逋仙不復作消瘦為誰開

伊昔西湖裏娉婷十里蓮香凝花上露影落鏡中天枕
簟水亭雨笙歌月夜船雙鴛不解事常傍翠陰眠

伊昔西湖外清陰九里松天低深雨露風怒走蛟龍林
靄通樵徑山雲隔寺鐘何時一行樂重到北高峰

曉出錢塘門 元 成廷珪

出門聊適意草樹碧紛紛一雨破清曉四山生白雲僧
樓緣嶺出樵徑過橋分明日重攜酒來澆和靖墳

九日與呂彥孚陸孔昭袁鵬舉乘風雨泛湖有期
而不至者得滿朱二字 元 錢惟善

九日雨淒其西風吹不斷空懷戲馬臺無復商飈館湖
闊浪花明林昏煙樹短紅船大於屋坐客不能滿
時序多風雨雲林總畫圖翠屏低晚嶂黑米長秋葫未
遂羣賢集那能四美俱扁舟載西子惟願學陶朱

錢惟善 元 錢惟善

負郭輪蹄遠殘春櫻筍佳湖天翻白浪山日黯黃霾夢
蝶烏皮几觀魚畫舫齋何人契幽賞高致到無懷

泛湖

元 俞德鄰

閑居散人事一舸泛長湖夜雨半篙荇春風十幅蒲功
名槐國夢身世輞川圖艤岸逢林叟清談日又晡

月上人還西湖

元 宋 无

南峰歸度夏舊業在烟霏半夜聞清磬一燈明翠微雲
羅尋寺遠猿狖見人稀想到經行處天花繞錫飛

湖邊春思

元 馬 臻

西林花雨霽春氣欲飛浮船過吹簫客旗標賣酒樓暖
煙鶯自在遲日蝶風流正是桑麻處支筇認舊遊

西湖說思

元 馬 臻

日落湖水黑眾山生遠塵船回載酒客樓倚獨吟人老
態多思舊時情只貴新籬邊古梅樹開謝幾年春

湖樓夜坐

元 馬 臻

孤樓侵樹小老雁入雲迷月暗水光白夜深鄰語低鐘
聲傳下竺梅信共西溪偶憶曾遊寺塵昏壁上題

西湖小隱

明 烏斯道

勝景金池耳高人玉樹然柳塘披鶴肇山崦出漁船梅吐尊前月松蟠鏡裏天興來彈淥水賞識有蓮仙

送僧恬歸靈隱

明高啟

遊方應未久柳色變新年在路逢春雪還山訪冷泉鐘催投寺錫燈照泊江船去意休多問無言卽是禪

西湖和黃夏初韻

明高得暘

佳趣誰全得閑情自軼羣買舟聽夜雨立馬看春雲酒伴期相共詩題得屢分西湖天下景坡句昔曾聞

約人遊湖

明高得暘

明日湖中去先期問畫船分醪開臘殘裏茗試春泉知已能胥會同心喜就延段家橋畔柳拂曙看鶯遷

西湖

明聶大年

西出江城外煙霞隔世塵鐘聲三竺曉花氣六橋春雞犬桃源地笙歌閨苑人平時得遊賞忘卻宦中身

別西湖

明趙寬

補外得佳麗西湖天下聞官衙兼吏隱煙景異朝曠行遶六橋水卧看三竺雲素心方自適何事復離羣

西湖

明孫一元

十里山如拭西湖背郭流僧歸虹外雨雲抱水邊樓春
事多逢醉歌聲半是愁獨憐垂釣者吾欲共滄洲

西溪步歸

明張適

溪南山曲折舍北水西東樵唱千邨雨漁歌五兩風犬
憎移竹叟鶴避掃花童彷彿吾家近茅堂碧樹中

湖上晚歸

明龔用卿

十里菰蒲水連阡桑柘園湖天平石境漁火出山門宋
蹟遺僧舍蘇堤接遠邨飛星斜過水立馬已黃昏

湖上春行

明田汝成

滿目展韶華行遊處處嘉野橋春澗水古寺曉園花柳
浦歌船集煙邨酒旆斜三堤紛若市爭看玉人車

湖上

明錢薇

野眺晴偏好湖光景乍新棹移波蕩漾山迴石嶙峋樹
色千章秀笙歌百疊陳芙蓉行自采秋水若為神

西湖

明張翀

湖光清鏡出山色翠屏開人傍青松飲舟搖落葉來苔
封和靖墓雲暗鄂王臺今古多情思乾坤一酒杯

湖上

明李奎

西湖志 卷三十五
錦障開桃岸蘭橈繫柳津鳥歌如勸酒花笑欲留人鐘
磬千山夕樓臺十里春回看香霧裏羅綺六橋新

湖上

明 沈明臣

湖上宜高卧天寒日出遲牆餘霜白草門閉雪殘枝鄰
杵空中得漁歌枕上知夢覺清似水真許濯天池

湖上春詞

明 李日華

曉望綠煙濃疎疎間淺紅湖邊春色滿陌上冶遊逢白
馬金絲絡黃鶯翠羽籠歸來日將午花影正重重

湖上

明 于慎行

黯淡平湖色令人思杳然斷橋橫落日遠水隔寒煙鳥
傍平隄去鷗依折葦眠吾家在湖曲閑殺采菱船

湖上

明 朱國祚

峰頭寶所埕湖上水仙王芳草年年綠風荷岸岸香鞦
韆拚細雨對酒易斜陽不計重門遠瓜皮上小航

三竺道中

明 邵寶

人行松徑靜數里不知遙路轉還逢寺僧迎只過橋巖
姿收獨妙泉響息羣囂東去頻回首山花似我邀

同李長蘅尋聞子將龍井山齋

明 譚元春

楓色紅難已黃從翠處分偶然亂葉下風雨似同聞谷
鳥臨寒路籬花開遠雲逢幽隨處憇心眼自氤氳

秋夕泛湖

明黃汝亨

遠波蕩空碧不復似人間忽爾來孤鷺澄然見眾山浩
歌秋澹澹輟棹月閒閒頓與塵纓遠夷猶不忍還

春日泛湖

明沈仕

綠堰埋豐草紅橋跨淺沙潰魚潛亂藻聚鳥啄殘花水
影明如月山光秀若霞扁舟任飄泊何異掛星槎

泛西湖同清照彥叔觀公

明吳鼎芳

新語報黃鸝拊花坐柳枝山晴意自好湖晚醉相宜風
起水香處月來煙滅時同舟貪夜寂移傍白公堤

西湖夜汎

明吳鼎芳

疎雨洗空翠來看湖上山斷橋芳柳外小艇白鷗閒月
在美人遠春忙流水閒西陵猶喚酒燈影出花關

西湖曉起

明吳鼎芳

殘鐘湖上月杳杳落層岑曉色散爲水秋聲聚作林間
來曾不慣幽處每相尋叢桂南山下晴香一逕深

西湖春遊詞七首

明吳兆

西海志 卷三十五 藝文五
堤暖百花齊湖春萬柳低管絃初沸日羅綺已空闈上
已連寒食車輪間馬蹄遊人爭向處多在斷橋西
湖水碧粼粼還疑洧與溱褰裳臨翠渚踏草及芳辰合
岸花薰暖雙堤柳夾春今年風景好直爲遠遊人
橋外卽當壚樓陰碧樹扶水筵移岸酌越女唱吳歛一
徑穿孤嶼重光帶兩湖匝波舟楫動處處起鷗鳧
越女善拏舟吳姬解權謳尊低芳草下人擁古堤頭香
醞尋仙客靈峰問梵流花時無遠近分日出城遊
晴光上柳條結伴戲花朝歌近舟沿岸人閒馬度橋雷

峰看搶迥葛嶺弄泉遙日暮人爭入衣香滿路飄

新堤楊柳斜遊冶肯還家珠彈光流月春衣色勝花暮
遮芳草路騎並美人車何處菱歌起仍憐似若耶

遊路背湖分林陬復水濱年傳秦代石人拜宋時墳塔
影雙峰見松聲九里聞不知天竺近香氣藹成雲

十五夜西湖舟中玩月

明魏璧

吾愛湖中月攬之清若空分明青嶂裏獨照白頭翁碧
浪搖鵝鵲金笳起塞鴻蟾蜍真可戀莫畏曉來風

湖上遇僧

明郭子直

西湖志 卷三十五
桃柳西湖路扁舟細雨前煙雲多變幻山水自澄鮮出
谷非逋客逢僧卽勝緣風塵十年夢回首意蕭然

西湖行樂詞

明 蕭 譽

翠蓋連雲麗香車夾路妍賣花春不斷攜酒月忘還四
百前朝寺三千錦纜船湖山多樂事簫鼓自年年

西湖

明 釋欽義

三竺忻私託西湖自往還肆情方水澹尋石愛雲閒春
氣調疎柳晴光抹遠山老來形漸懶未肯廢躋攀

湖上諸寺重遊

明 釋德祥

西湖三百寺今日復來遊滿路皆黃葉諸僧盡白頭水
雲情渺渺鐘鼓夢悠悠獨有南屏下樓臺壯一洲

國朝

過南屏訪無生上人

吳偉業

謂此一公住偶來聞午鐘山容參雪嶠佛火隱雷
峰路細因留竹雲深好護風精廬人不到相對話

南宗

西湖

謝宗泰

十里山如拭湖光日夜浮瓊樓飛彩燕錦浪點輕

鷗酒醉千家月人消半日愁明朝歌舞地猶復載
虛舟

月出千峰白雲藏眾壑青鳥啼山習靜龍定夜聞
經舞影迴歌扇杯光入畫屏塵纓一爲洗能得幾
時醒

湖上

宋 琬

山色南屏好空濛半有無曲塘容舴艋衰柳卧鷓
鷗雲起千峰亂天晴一塔孤興來思遠眺羌笛滿
西湖

登南屏山頂望西湖

陸光旭

放眼秋山碧蒼煙島嶼紛魚歸寒浦月僧渡夕陽
雲小閣黃柑醉輕歌白苧聞尋幽饒健力忍與翠
微分

湖上秋懷

施閏章

住爲中秋月連朝聽雨聲寒侵高枕濕日擁亂峰
平遠寺幾時到斷橋惟獨行南屏桂花發搖落正
關情

雪後至湖上

陸嘉淑

南湖志 卷三十五 共
緩策凌晨去湖光照眼明雲連山色起風約水煙
輕斷靄微零雨新陰屢變晴段橋漁艇出眞足寄
浮生

西湖

吳沐

春日草萋萋湖邊燕掠泥閣高紅杏小橋斷綠楊
低細浪吹魚沫輕風送馬蹄興闌重回首煙月滿
湖西

曉泛湖上經小新堤

丁文策

湖上新晴好臨流曉放船兩峰開遠嶂一水浸遙

天風滴花閒露人衝柳外煙珠簾猶未捲春去尙

高眠

西湖

丁文策

久擅東南美芳郊足勝遊眾山青似曉一水碧於
秋柳岸鶯啼席花隄月繫舟從來歌舞地何處覓
滄洲

春暮泛西湖

朱綱

岸柳拖新綠湖波漾曉晴山從雲外合舟向鏡中
行密樹藏僧塢輕煙繞郡城傍人指古跡到處欲

題名

上已後三日顧孝廉

之璉

招同諸公泛舟西湖卽

事分韻得交字

朱彝尊

獨擢花陰入重湖柳色交斷橋亭蓋瓦曲院水通

坳楚雀簧猶澀江蓮葉尙包

宸遊留翠墨車馬溢春郊

晚入北山

沈禹吉

捨棹入林樾涼風吹客衣蟲吟暮山靜月黑野螢

飛一徑松篁暗數家燈火微前山聞犬吠稚子啟

柴扉

西湖秋興

毛先舒

我載西湖酒乘舟弄月華道逢滄海客邀我御雲

車且作九秋別遙追八月槎鸞情與鳳思處處寫

煙霞

七月望夜湖上有懷

釋上緒

良宵安可寐秋月此初圓寥寂山中客淒清雨後

天放舟孤嶼側聞曲斷橋邊不繫懷人意空波坐

渺然

詩 五言排律

早春西湖閑遊悵然興懷憶與微之同賞因思在
越官重事殷鏡湖之遊或恐未暇偶成十八韻

寄微之

唐 白居易

上馬復呼賓湖邊景氣新管絃三數事騎從十餘人立
換登山屐行攜漉酒巾逢花看當伎遇草坐為茵西日
籠黃柳東風蕩白蘋小橋裝雁齒輕浪翫魚鱗畫舫牽
徐轉銀船酌漫巡野情遺世累醉態任天真彼此年將
老平生分最親高天從所願遠地得為鄰雲樹分三驛

煙波限一津翻嗟寸步隔那厭尺書頻浙右稱雄鎮山
陰委重臣貴垂長紫綬榮駕大朱輪出動刀槍隊歸生
道路塵雁驚弓易散鷗怕鼓難馴百吏瞻相面千夫捧
擁身自然閑興少應負鏡湖春

湖光

為劉慶遠作也

宋 姜特立

湖水浸坤軸湖光混太清風來縠紋起夜靜鏡奩平初
訝琉璃軟還疑組練橫微茫連澤國瀲灩蹙寒汀破碎
翻千月泓澄印萬星雨餘添點綴日射鬪晶熒橋影虹
垂澗松陰幕覆亭魚跳全薦玉山卧半沉青小泛依吳

西湖志 卷三十五
榜長搖任楚萍擠排李白醉勾引屈原醒暇日宜呼客
平時好濯纓吟哦萬景集未足稱詩情

中秋日舉西湖社

明 馮夢禎

佳辰正秋半此地集蘭交冠蓋添新侶湖山次近郊主
人扶大雅餘子足前茅莒國難辭賦尸人亦代庖才情
終避舍臭味或投膠史定占星聚元從解客嘲命舟依
月渚改席指雲巢綠借湖爲釀香分桂作肴鷗鳧眇沙
際星斗雜林梢從此多良集詩筒處處捎

西湖夏泛同方丈

明 程誥

小徑縈山曲危城壓水雄岸迴空騎盡湖泛一舟同進
槳荷香破鈎蓮浦望通暑消青苻雨涼起白蘋風狂客
捫瑤瑟佳人勸碧筍百壺猶送酒留醉月明中

國朝

西湖讌集二十韻

陸世楷

海內同文日湖濱肇會年盍簪皆勝侶載筆有新
篇令序春王始雄風大國先雞壇推執耳燕社其
隨肩門第東南盛英才吳會偏敦槃修舊典冠劍
跂羣賢德里荀陳聚仙舟李郭聯褻裘神弈弈結

駟望翩翩入座紛如玉揮毫健似椽驚人詩思艷
 擲地賦聲淵朱履空瑤席芳樽接綺筵問梅孤嶼
 側待月六橋邊雪後松篁翠春來桃李妍風流誇
 主客清淑羨山川絲竹何須奏瓊瑤自可鑄高人
 仍阜帽名士但青氈虛室披蘭簿荒帷理研田敢
 辭金谷酒欲泛剡溪船把臂猶嫌晚彈冠愧未前
 探驪寧有得附驥倘能傳

西湖志卷之三十五

總校王詒壽分校

章乃錫校
孫煥校

西湖志卷之三十一

藝文六

詩 七言律

餘杭形勝

唐白居易

餘杭形勝四方無州傍青山縣枕湖遶郭荷花三十里
 拂城松樹一千株夢兒亭古傳名謝教妓樓新道姓蘇
 州西靈隱山上有夢謝亭卽是杜明甫夢謝
 靈運之所因名客兒蘇小小本錢塘伎也
 獨有使君
 年太老風光不稱白髭鬚

湖上醉中代諸妓寄嚴郎中

唐白居易

笙歌杯酒正歡娛忽憶仙郎望帝都借問連宵直南省
何如盡日醉西湖蛾眉別久心知否雞舌含多口厭無
還有些些惆悵事春來山路見蘼蕪

湖上招客送春汎舟

唐白居易

欲送殘春招酒伴客中誰最有風情兩餅箬下新求得
一曲霓裳初教成排比管弦行翠袖指麾船舫點紅旌
慢牽好向湖心去恰似菱花鏡上行

春題湖上

唐白居易

湖上春來似畫圖亂峰圍繞水平鋪松排山面千重翠

月點波心一顆珠碧毯線頭抽早稻青羅裙帶展新蒲
未能拋得杭州去一半勾留是此湖

答客問杭州

唐白居易

爲我脚趂停酒盞與君約略說杭州山名天竺堆青黛
湖號錢塘瀉綠油大屋簷多裝雁齒小航船亦畫龍頭
所嗟水路無三百官繫何因得再遊

夜歸

唐白居易

半醉閑行湖岸東馬鞭敲鐙轡玲瓏萬株松樹青山上
十里沙隄明月中樓角漸移當路影潮頭欲過半江風

歸來未放笙歌散畫戟門開蠟炬紅

錢塘湖春行

唐白居易

孤山寺北賈亭西水面初平雲腳低幾處早鶯爭暖樹
誰家新燕啄春泥亂花漸欲迷人眼淺草猶能沒馬蹄
最愛湖東行不足綠楊陰裏白沙隄

猶一本作纜

答微之見寄

時在郡樓對雪

唐白居易

可憐風景浙東西先數餘杭次會稽禹廟未勝天竺寺
錢湖不羨若耶溪擺塵野鶴春毛暖拍水沙鷗濕翅低
更對雪樓君愛否紅闌碧甃點銀泥

西湖留別

唐白居易

征途行色慘風煙祖帳離聲咽管絃翠黛不須留五馬
皇恩只許住三年綠藤陰下鋪歌席紅藕花中泊妓船
處處回頭盡堪戀就中難別是湖邊

九日思杭州舊游寄周判官及諸客

唐白居易

忽憶郡南山頂上昔時同醉是今辰笙歌委曲聲延耳
金翠動搖光照身風景不隨宮相去歡娛應逐使君新
江山賓客皆如舊唯是當筵換主人

送姚杭州赴任因思舊遊二首

唐白居易

與君細話杭州事爲我留心莫等閒
閭里固宜勤撫恤樓臺亦要數躋攀
笙歌縹緲虛無裏風月依稀夢想間
且喜詩人重管領遙飛一醖賀江山

渺渺錢唐路幾千想君別後事依然
靜逢竺寺猿偷橘閒看蘇家女採蓮
故伎數人憑問訊新詩兩首倩流傳
舍人雖健無多興老校當時八九年

白舍人自杭州寄詩有柳色春藏蘇小家之句因

而戲酬

唐劉禹錫

錢唐山水有奇聲暫謫仙官領百城
女妓還聞名小小使君誰許喚卿卿
鼇驚震海風雷起蜃鬪噓天樓閣成
莫道騷人在三楚文星今向斗牛明

杭州天竺靈隱二寺頃歲亦布衣一遊及赴鎮會

稽不敢以登臨自適竟不復到寺寺多猿猱謂
之孫團彌長其類因追思爲詩二首

唐李紳

翠巖幽谷高低寺十里松風碧嶂連
開盡春花芳草潤徧通秋水月明泉
石文照日分霞壁竹影侵雲拂暮煙

時有猿猱擾鐘磬老僧無復得安禪

人煙不隔江城近水石雖清海氣深波動只觀羅刹相
靜居難識梵王心魚扃晝鎖龍宮寶雁塔高摩佛界金
近日尤聞重雕飾世人遙禮二檀林

送僧貞實歸杭州天竺

唐姚合

石橋寺裏最清涼聞說茆茨寄上方林外猿聲連院落
月中潮色到禪牀他生念我身何在此世惟師性亦忘
九陌相逢千里別青山重疊樹蒼蒼

天竺寺殿前立石

唐姚合

補天殘片女媧拋撲落禪門壓地坳霹靂割深龍舊攬
屈盤痕淺虎新抓苔粘月眼風挑剔塵結雲頭雨磕敲
秋至莫言長屹立春來自自有薜蘿交

叙錢塘異勝

唐方干

暖景融融寒景清越臺風送曉鐘聲四郊遠火燒煙月
一棹驚波撼郡城夜雪未知東岸綠春風猶放半江晴
謝公吟處依稀在千古無人繼盛名

贈錢塘湖上唐處士

唐方干

我愛君家似洞庭衝灣潑岸夜波聲蟾蜍影裏清吟苦

西湖志 卷三十六 藝文六 五
舴艋舟中白髮生常共酒杯爲伴侶復聞紗帽見公卿
莫言舉世無知己自有孤雲識此情

遊靈隱天竺二寺

唐徐寅

丹井冷泉虛易到兩山眞界實難名石和雲霧蓮花起
月過樓臺桂子清騰踏回橋巡象設羅穿曲洞出龍城
更憐童子呼猿去颯颯蕭蕭下樹行

和表弟遊湖上諸寺二首

宋蘇頌

叢林四百見州經盡在錢塘舊縣呵十里湖光連北郭
千尋巖翠遶南屏松間幽徑迎冠蓋竹裡飛泉入戶庭

勝境無因朝日到羨他禪伯老林扃

湖山不到每馳情與客逢迎暫駐旌鷺嶺飛來詢慧理
龍宮吟就續延清僧房有竹尋門見磴道扳蘿盡日行
交臂晤言欣得侶上臺專使對仙瀛

秋日湖西晚歸舟中書事

宋林逋

水痕秋落蟹螯肥閒過黃公酒舍歸魚覺船行沉草岸
犬聞人語出柴扉蒼山半帶寒雲重丹葉疎分夕照微
却憶青溪謝太傅當時未解惜蓑衣

湖上晚歸

宋林逋

西湖志 卷三十六 六
卧枕船舷歸思清望中渾恐是蓬瀛橋橫水木已秋色
寺倚雲峰正晚晴翠羽濕飛如見避紅蕖香嫋似相迎
依稀漸近誅茅地雞犬林蘿隱隱聲

湖上初春偶作

宋 林 逋

梅花開盡臘亦盡晴暖便如寒食天春色半歸湖岸柳
人家多上郭門船文禽相並映短草翠潏欲生浮嫩煙
幾處酒旗山影下細風時已弄繁絃

西湖春日

宋 林 逋

爭得才如杜牧之試來湖上輒題詩春煙寺院敲齋鼓

夕照樓臺卓酒旗濃吐雜芳薰嘯嘍濕飛雙翠破漣漪
人間幸有蓑兼笠且上漁舟作釣師

謹按是詩載和靖集中西湖遊覽志作王平甫誤

西湖

宋 林 逋

混元神巧本無形匠出西湖作畫屏春水淨於僧眼碧
晚山濃似佛頭青欒櫨粉堵搖魚影蘭杜煙叢閣鷺翎
往往鳴榔與橫笛細風斜雨不堪聽

陪趙少師游西湖兼簡坐客

宋 趙 抃

絲管喧喧擁畫船澄瀾上下照紅蓮一尊各盡十分酒

四老其成三百年北闕音書休憶念西湖風物且留連
杭民夾道焚香看白髮朱顏長壽仙

十日西湖晚歸

宋 蔡 襄

清晨出郭又晴曛已見空枝嫩葉新爭得山頭能閣日
且容湖上不歸春人隨百戲波翻海酒到三橋月滿身

三橋乃西湖歸路
月中飲於湖上

只有牡丹纔半折未知何處可娛賓

春筮孫推官南屏舊遊

宋 蔡 襄

已憐叢翠在湖邊最勝濃嵐返照前未省天工能刻飾
祇因山骨自清堅巖端下溜添春澗穴底來風送野煙

欲仗何人安屐齒更尋幽徑一攀緣

清明西湖

宋 蔡 襄

千頃平湖綠一遭空城遊樂自奢豪畫船爭勝飛紅鶻
翠鷺都浮載海鰲芳草隄邊裙帶短柔桑陌上髻鬟高
樓前盡日聞歌笑不啻秋風捲怒濤

寒食西湖

宋 蔡 襄

山前雨氣曉纔收水際風光翠欲流盡日旌旗停曲岸
滿潭鉦鼓競飛舟浮來煙島疑相就引去山禽好自由
歸騎不令歌吹歇萬枝燈燭度光樓

西湖

宋 蔡襄

湖上山光一抹青，佛宮高下裹巖扃。
煙收水曲開塵匣，春送人家入畫屏。
竹氣更清初霽雨，梅英猶細欲殘星。
吳船越棹知何處，柳拂長堤月滿汀。

和子瞻沿牒京口憶西湖寒食出遊見寄二首

宋 陳襄

乞得湖山養病身，花時曾共憶行春。
嚶鳴幽鳥還遷木，潑沸清泉復采芹。
阜蓋尋芳邱有李，綵樓觀戲巷無人。
錦花公子歸何晚，獨念溝中菜色民。

春陰漠漠燕飛飛，可惜春光與子違。
半嶺煙霞紅旆入，滿湖風月畫船歸。
緜笙一闋人何在，遼鶴重來事已非。
猶憶去年題別處，鳥啼花落客沾衣。

去杭十五年復遊西湖用歐陽察判韻

宋 蘇軾

我識南屏金鯽魚，重來拊檻散齋餘。
還從舊社得心印，似省前身覓手書。
葑合平湖久蕪蔓，人經豐歲尙凋疎。
誰憐寂寞高常侍，老去狂歌憶孟諸。

寒食未明至湖上太守未來兩縣令先在

西湖志 卷三十六 藝文六 九
城頭月落尚啼烏烏榜紅舷早滿湖鼓吹未容迎五馬
水雲先已颺雙鳧映山黃帽螭頭舫夾道青煙雀尾爐
老病逢春只思睡獨求僧榻寄須臾

宋蘇軾

宿水陸寺寄北山清順僧二首

宋蘇軾

草沒河堤雨暗邨寺藏修竹不知門拾薪煮藥憐僧病
掃地焚香淨客魂農事未休侵小雪佛燈初上報黃昏
年來漸識幽居味思與高人對榻論

長嫌鐘鼓聒湖山此境蕭條却自然乞食遶邨真爲飽
無言對客本非禪披榛覓路衝泥入洗足關門聽雨眠
遙想後身窮賈島夜寒應聳作詩肩

次韻劉景文寒食同遊西湖

宋蘇軾

絮飛春減不成年老境同乘下瀨船藍尾忽驚新火後
遨頭要及浣花前山西老將詩無敵洛下書生語更妍
共向北山尋二士畫橈鼉鼓聒清眠

有以官法酒見餉者因用前韻求述古爲移厨飲

湖上

宋蘇軾

喜逢門外白衣人欲膾湖中赤玉鱗遊舫已粧吳榜穩

西湖志 卷三十六
舞衫初試越羅新欲將魚釣追黃帽未要靴刀抹絳巾
芳意十分強半在爲君先踏水邊春

常潤道中有懷錢塘寄述古三首 宋 蘇軾

從來直道不辜身得向西湖雨過春沂上已成曾點服
泮宮初采魯侯芹休驚歲歲年年貌且對朝朝暮暮人
細雨晴時一百六畫船鼉鼓莫違民

草長江南鷺亂飛年來事事與心違
花開後院還空落燕入華堂怪未歸
世上功名何日是樽前檢點幾人非
去年柳絮飛時節記得金籠放雪衣

杭人以放鴿爲太守壽

浮玉山頭日日風湧金門外已春融
二年魚鳥渾相識三月鶯花付與公
剩看新翻眉倒暈未應泣別臉消紅
何人織得相思字寄與江邊北向鴻

次韻關子容湖上晚飲 宋 陳師道

風樹吹花落四鄰莫雲將雨欲催人
旋傾美酒留連客急作新詩報答春
試傍清湖看鬢髮莫辭行樂費金銀
如今歸去還高卧更問風光有幾旬

西湖納涼 宋 曾鞏

問吾何處避炎蒸十頃西湖照眼明
魚戲一篙新浪滿

西泠志 卷三十一
鳥啼千樹綠陰成虹腰隱隱松橋出鷓首峩峩畫舫行
最喜晚涼風月好紫荷香裡聽泉聲

和王樂道西湖席上

宋 范純仁

春湖景物畫圖中朱閣偏宜翠柳籠上客縱談髯鬢白
佳人醉舞臉舒紅鋪張錦繡花邊日堆疊琉璃水面風
民俗歡遊魚鳥樂名人才合亮天工

早步湖上

宋 陳 造

忽忽京塵漬客衣正須軒曠一伸眉獨行初日葱蘢處
不待遊人雜還時魚樂暗搖亭樹影風輕閑弄水雲姿

因循又耐簫歌聒早向湖山細入詩

正月晦步西湖小憩市樓

宋 陳 造

鼓腹不詫金石音吟步竹塢俄梅林方愛羣鶯漾清泚
忽聽一鴻啼晏陰野飯不妨隨分飽盃酒却憶向來深
明朝晴雨恐未卜鷗鷺盟寒空復心

次韻君敘湖上偶作

宋 周紫芝

政恐情須我輩鍾畫船同載舞衣紅可憐燕子無人管
不忍桃花過眼空客睡喜聽門剝啄君詩來送玉丁東
何時却覓孤山路共訪梅花樹下翁

次韻張元明同邊郎中游西湖二君講同年之好

因有此遊

宋周紫芝

十里春波翠染衣小尋魚鳥共追隨
船頭風急何妨醉湖上山多盡入詩
藜杖偶來飛絮裡蘆鞭猶憶看花時
兩公人物如連璧同上金鑾亦未遲

曉起趨郡湖上作

宋周紫芝

湖水初分宿霧餘綠蒲深處聽跳魚
一枝聊作鳥栖樹五曉尙隨人趁虛
老矣坐曹真戲事歸歟懷舊却情疎
未聞禁鑰聽傳漏殘夢猶堪付竹輿

次韻林梅卿西湖載酒時僕以病不赴

宋周紫芝

西湖豈復是人間付與瀛洲學士閑
百榼滿傾桑落酒兩高聊作道家山
一年春事方三月萬里烽煙靖八蠻
白髮可憐歆病枕蘭船空想棹歌還

湖上戲題

宋周紫芝

一湖春水綠漪漪卧水桃花紅滿枝
去住雲情渾不定陰晴天色故相欺
風前柳作小垂手雨後山成雙畫眉
何必娉娉仍嫋嫋西湖應便是西施

後二日又題一首

宋 周紫芝

家在東灣古渡頭柴扉草閣枕寒流無人擬彈能言鴨
有眼那驚不下鷗月裡踏歌何處社尊中載酒幾家遊
溪南溪北邨邨水春雨春風日日愁

後五日又題一首

宋 周紫芝

幾日春風大放顛晚來寒食露晴天浪紋隨棹湖如鏡
日脚翻鴉月似弦便可飽看花入眼不應直待柳吹絲
庾郎分得愁千斛肯與青絲作少年

西湖泛舟

宋 朱松

望湖樓下照衰顏羞見層崖兩鬢斑風艇縱看山轉側
煙堤盡逐水回還喚人歸去城鐘急觸處相親嶺月彎
不用新詩摹絕境定知長到夢魂間

西湖會同年和巫子先伯韻

宋 董公度

一鷗獨立鳥羣空寂寞誰憐漢閣雄雁塔他年曾接武
烏臺今日自生風平湖入座搖寒碧返照催人墮晚紅
日斷禁城驄馬客何時談笑一尊同

三月六日中宮生辰二府例以前四日就孤山四
聖觀設醮泛舟至玉壺環碧園因記歐陽公治

平三年丙午歲上巳和韓丞相詩謂是歲始頒
明天曆三月三日丁巳故有節正須知鳳曆新
之句今歲亦逢辛巳而又歲皆丙午輒偕原韻

賦詩一篇簡諸公

宋 周必大

京華正踏軟紅塵却趁西湖被禊辰曆似明天時令正
春逢閏歲物華新流連花柳輪豪俠判斷湖山愧隱淪
尚擬鳴鑿一遊豫還陪英袞奉嚴宸

次林伯玉侍郎韻賦西湖春遊

宋 陸 游

西湖一別不知年陳迹重尋麥嶺邊山遠往來雙白鷺
波平俯仰兩青天殘骸自覺難支久一笑相從亦宿緣
旅食京華詩思盡羨公落筆涌如泉

與兒輩泛舟遊西湖一日間陰晴屢易

宋 陸 游

逢著園林卽款扉酌泉鬻筍欲忘歸楊花正與人爭路
鳩語還催雨點衣古寺題名那復在後生識面自應稀
驚心六十餘年事雙塔依然在翠微

沈虞卿秘監招遊西湖

宋 楊萬里

蘇公堤遠柳生煙和靖園深竹映關船入芰荷香處去

人從雲水窟中還似寒如暖清和在欲雨翻晴頃刻間
能爲蓬萊老仙伯一杯痛快吸湖山

南中間呂伯恭至湖上

宋 韓元吉

莫嫌鞭馬踏春泥茶鼎詩囊偶共攜山色雲深春更好
湖光煙接望還迷連天花絮飛將盡夾道蒲荷長欲齊
官事得閑須洗眼蓬壺只在帝城西

伏承侍郎使君垂示所與少傅國公唱酬西湖佳

句謹次高韻

宋 朱 熹

百年地闢有奇功劍見猶驚鶴髮翁其喜安車迎國老
更傳佳句走郵筒閑來且看湖頭入樂事寧憂酒盞空
會見台星與卿月交光齊照廣寒宮

越王城下水融融此樂從今與眾同滿眼菱荷方永日
轉頭禾黍便西風湖光盡處天容濶潮信來時海氣通
醉唱不誇風物好一心憂國願年豐

湖上次袁起巖安撫韻

宋 樓 鑰

同年紫陌再尋春力主斯盟賴尹京山外斜陽湖外雪
夜來陰靄曉來晴平波灩灩新添綠凍木欣欣欲向榮
此日此身清潔甚軟紅何苦太忙生

夫人攜家泛湖

宋樓鑰

三分春色二分休始見魚軒泛綠舟諸子侍行歡盡日
一翁獨坐淡於秋滿斟美酒應同醉是處名園為少留
陰靄在前雷雨後特晴此日稱君游

湖亭觀競渡

宋樓鑰

涵虛歌舞擁艷君兩兩龍舟來往頻閨月風光三月景
二分煙水八分人錦標贏得千人笑畫鼓敲殘一半春
薄暮遊船分散去尙餘殘酒遶湖濱

湖上吟

宋章甫

誰家短筴吹楊柳何處扁舟唱采菱湖水欲平風作惡
秋雲太薄雨無憑近人白鷺麾方去隔岸青山喚不著
好景滿前難著語夜歸茆屋望疎燈

上巳約客總宜以病不及往二詩呈陳士履王淵

衢諸人自酌二首

宋岳珂

總宜閣畔小簾櫺碧浸平湖面面風別館綠陰聊繫馬
便橋紅影正垂虹流觴有序傳詩客在席無人稱倦翁
儂自醉歸翁自倦風光流轉不須同

我是棠磯舊釣徒天教生與水雲俱蘭亭正值人修禊

西湖志 卷三十六 藝文六
柳岸還添浪拍湖幸有丈人觀筆法可無嘉客醉兵厨
直須去躍城東馬更與留春作後圖

流觴西湖用范左史韻

宋程秘

畫船同載若登仙卻笑泥鵝馬不前要識冷煙催穀雨
須知澹日養花天千條翠柳隨風舞一樹天桃照水妍
始信人生行樂耳虛名那用世間傳

借居湖上

宋趙師秀

出仕歸來貧似舊借園偶近畫橋居縱觀不用春攜酒
出郭何妨夜讀書港小只過閑客棹樹低多礙故人車

向時城裏綠塵土久欲湖邊住歲吟

春日湖上

宋高翥

清波門外放船時盡日輕寒戀客衣花下笑聲人共語
柳邊檣影燕初飛曉風不定棠梨瘦夜雨相連薺麥肥
最憶故山春更好夜來先遣夢魂歸

六月一日同姜白石泛湖

宋葛天民

六月西湖帶雨山小舟終日傍鷗閑風煙如許關情甚
賓主相推下語難幾點送君歸大雅一涼今夜滿長安
江湖遠思知多少歸去風前各倚闌

領客泛湖

宋 魏了翁

鳴鞘踏月大堤長
鼓柁穿雲落日黃
十里青漪菱草蕩
四山紅雨杏花岡
客從民氣覘春事
人在枝頭看艷陽
長使舟平風色好
世間何處有羊腸

王別駕訪天竺頤擘二師

宋 姚 鏞

寶香重徹碧蓮臺
別駕尋僧日暮回
聽雨齋前驚樹長
浴雲池上看花開
青山久不逢坡老
元鶴親曾識辨才
一老風流如昨日
百年詩石未蒼苔

湖上

宋 方 岳

老藤支我步湖濬
借與晴光一欠伸
楊柳得春青眼舊
山巒留雪白頭新
鐵琅璫語尋齋鉢
銀撥刺肥收釣緝
有兩黃冠共棋局
相攜便作所歡人

元夕後湖上作

宋 許 棐

自從樓閣罷燒燈
未有今朝一日晴
暖折葑邊冰翼破
寒留山頂雪痕輕
驕驄已印尋芳跡
小伎新翻鬻唱聲
每箇旗亭商一醉
也應排日到清明

至日謁廟吳山見日初出

宋 施 樞

曦龍浴海上扶桑
雲表輝芒燭萬方
史館繽紛書瑞色

西湖
卷三十六
禁城奕耀鎖祥光從知繡線添紅影獨喜丹心向太陽
節裡官閑無一事諦觀易道靜焚香

西湖

宋 湯仲友

山色湖光步步隨古今難畫亦難詩水浮亭館花間出
船載笙歌柳外移過眼年華如去鳥惱人春色似遊絲
六橋幾見輪蹄換取樂莫辭金屈卮

湖上卽事

宋 陳起

波光山色兩盈盈短策青鞋信意行葑草煙開遙認鷺
柳絲春早未藏鶯誰家艷飲歌初歇有客孤舟笛再橫

風景無窮吟莫盡且將酩酊樂浮生

同陳明叔遊湖作

宋 朱南杰

四月湖邊冷若秋先賢堂下繫扁舟山頭積翠來新意
波面飄紅憶舊遊無柰楊花欺倦客已多荷葉護輕鷗
堤邊誰道春歸了猶有一聲黃栗留

同劉明山遊湖邊作

宋 朱南杰

誰立西湖造化功峰分南北境相通四時風物絃歌裏
兩岸人家圖畫中隄柳送迎忘爾汝棹聲來往自西東
風波便作恩波看此樂君王與眾同

清明湖上

宋 武衍

榆火初傳禁漏殘滿城和氣在湖山接天楊柳風煙裏
照水桃花圖畫間舊路人穿新路去長橋船出斷橋還
吾皇應喜民胥樂歲許西門入夜關

西湖清明

宋 張蘊

芳天新霽惠風和軟綠平隄凝不波桃李無言看客慣
樓臺如畫占春多游裾匝路填車馬翠榜開筵鬪綺羅
寂寂寒煙生水面白鷗柰此月明何

西湖會上和趙靖軒韻

宋 胡仲參

不着人間半點愁每於勝處一凭樓吟邊只欠林和靖
坐上追思馬少游暈臉芙蓉酣薄暮低眉楊柳拂新秋
酒闌拍掌狂歌舞自是忘機可狎鷗

秋晚汎湖

宋 胡仲參

載酒湖邊買小舟水光山色解人愁短籬寂寂菊花晚
兩岸蕭蕭楊柳秋落日波間收戲鼓暮煙林外出歌樓
倚闌長嘯西風裡驚起前汀雙白鷗

侍謝立齋小酌湖樓

宋 陳允平

風捲珠簾客珮清杜鵑啼老送春聲水浮亭館花間出

船載笙歌柳外行千里夕陽歸夢遠六橋飛絮馬蹄輕
欄干倚徧暮天濶煙樹一鈞新月生

西湖暮春

宋 陳允平

雲山疊疊樹重重浙水迢遙客夢中啼鴉數聲春去日
落花滿地夜來風松關鶴立吟壇靜竹院僧眠丈室空
明日馬蹄何處所夕陽芳草畫橋東

月夜泛湖

宋 徐集孫

買得扁舟載月明喜他簫鼓已歸城一襟風露清吟骨
四望湖山見道情花港采菱供果飮蘋洲擷苻薦杯行
此歡不許人多得破曉西邨雞犬鳴

智果寺觀東坡墨跡及參寥泉

宋 徐集孫

煮茗評詩歲月深堂堂遺像篆煙沉數間老屋關興廢
一段清名無古今碑斷亂雲封字腳井昏落葉覆泉心
斜陽影裡夷猶處仰止高風不敢吟

湖亭夜坐

宋 徐集孫

片葉秋風數日程爭如天籟未秋聲厭居塵境炎威熾
來納虛亭夜氣清萬點螢光移醉眼一湖蟾影蕩吟情
笙歌寂寂重關掩獨許高僧並臂行

休日招李山房杜北山訪涓濱秋浦於孤山卽席

用韻

宋 徐集孫

凜凜仙風匝葑田徘徊懷古事茫然眼空湖海無塵累
身在蓬萊有宿緣孤策遍尋儲鶴地偏提自汲煮茶泉
詩家眷屬通詩譜不枉微官客日邊

湖西納涼

宋 徐集孫

小艇撐過第一橋酌泉橋下擲詩瓢來遊道院分荷供
擬拉吟僧遣鶴招暮靄直從漁笛起月華高過塔燈遙
且於靜處偷清福人海驚人似湧潮

已卯春過西湖

宋 何夢桂

世事誰家屋上烏重來猶認舊西湖風帘隔岸自高下
煙寺前山半有無野水菰蒲飛屬玉夕陽闌檻喚提壺
十年不記梅花夢試向孤山問老逋

西湖

宋 柴望

年年柳眼青歸處門外遊人可自閑天氣又晴晴又雨
樓臺依寺寺依山酒邊歌拍穿花外船上簫聲落水間
光景留連空自惜鷓鴣啼罷暮城關

西湖圖

宋 真山民

兩袖春風一丈泥等閑蹋破柳橋西雲開遠嶂碧千疊
雨過落花紅半溪青旆有情邀我醉黃鶯無恨爲誰啼
東城正在桃源外多少遊人逐馬蹄

次韻文饒同自龍井出資國寺泛舟以歸北山

宋釋道潛

踞虎奔犀列萬形奇觀直以過南屏紫雲細路杳無盡
落石飛泉靜有聲十里平湖初卷葑一天秋色共揚舲
停橈共過孤山寺寂寂林僧半掩扃

次韻王行甫奉議湖上晚歸遇雨

宋釋道潛

妙齡公子嗜遨嬉永日湖山未肯歸酒幟撩人應慣識
花枝拂帽不須揮輕紉細綺來何處青蓋朱輪去似飛
向曉薄雷催急雨清寒無奈襲裳衣

夏日龍井書事呈辯才法師兼寄吳興蘇太守并

秦少游少游時在越

宋釋道潛

榻來人外慰樓遲谷遠山長萬事遺好鳥未嘗吟俗韻
白雲還解弄奇姿藤花冉冉青當戶竹色娟娟碧過籬
不羨故人探禹穴短橈孤榜逐漣漪

送曉上人歸西湖白閣所居

宋 釋惠洪

我憶錢塘雪鬢新三年東望肺生塵那知南浦清湘岸
忽見西湖白閣人熟視音姿疑夢寐便驚風物有精神
倏然又入千峰去惆悵孤雲野鶴身

送淨慈書記

元 虞 集

寒梅的的西來意翠竹青青劫外春日出碧雞山作霧
臺空彩鳳地無塵八年寫徧湖光好萬里歸來月色新
我在錦官城裡住白雲滿屋便爲鄰

西湖

元 王 恽

西湖三面簇青山淨拭菱花照翠鬢滄海月寒龍穴露
彩雲仙去鳳簫閒無多樓觀猶圖畫最好風煙近市園
鄭重繡衣周御史畫船春酒待予還

秋日西湖園亭

元 仇 遠

西湖一曲百泉通漠漠青山遶梵宮故國園林秋色淨
明朝風雨桂花空銀笙玉笛清歌外畫舫珠簾落照中
人物風光兩相稱兒童遮莫笑山翁

同楊心卿過孤山訪靜傳不遇自遊和靖祠下明

日奉寄三高士

元 仇 遠

飛仙又向別峰遊竹下閒房且小留滿髻朔風吹客帽
倚闌斜日在漁舟梅花路冷難尋冢葑草田荒半作洲
獨往獨來沙鳥怪山空木落使人愁

湖上值雨

元仇遠

波痕新綠草新青有約尋芳苦不晴莎徑泥深雙燕濕
柳橋煙淡一鶯鳴山園故苑春常鎖泉落低畦暖未耕
十載舊踪時入夢畫船多處看傾城

同段吉甫泛湖

元仇遠

西湖春碧淨無泥畫舫朱簾傍岸移寒食清明初過後
杏花楊柳乍晴時從教西日催歌鼓莫放東風轉酒旗
只恐明朝成雨去暗驚濃綠上高枝

晦日攜幼湖上

元仇遠

葛嶺蘇隄盡寂然東風吹我過湖船江山信美無人會
兒女情多只自憐柳色染勻春淡蕩楊花落盡日暄妍
麥秋天氣渾如此却笑征衫未脫絛

題李公略示高郎中吳山觀月圖

元仇遠

憑高宜晚更宜秋下馬歸來卽倚樓納納乾坤雙老眼
滔滔江漢一扁舟滿城明月空吳苑隔岸青山認越州

西泠元 卷三十六
李白酒豪高適筆當時人物總風流

湖樓玩雪

元 白 珽

西湖十里捲簾中幻出樓臺第一宮
山勢蹴天銀作浪柳行撲地玉爲虹
魚蓑鶴氅同爲我雀舌羊羔不負公
明月鳳池朝退後一鞭曾約試吟驄

三十年前與倪仲深泛湖作中秋詩今幸同與校

文中庭月色如晝短句敘舊

元 袁 桷

昔年同泛凌風舸白眼論交屈指難
楓葉參差山影矗藕花零亂水聲乾
我方烏帽穿黃霧君正羊裘漱碧瀾

歸隱始知人世換無端此地更憑闌

岳王孫縣尉復棲霞墳田

元 龔 璠

岳鄂諸孫復墓田清明寒食起新煙
道傍爲我除蒼檜山下如今哭杜鵑
高廟神靈應悔此中原父老尙悽然
西湖靡靡行人去却望棲霞轉可憐

遊西湖次毛玉田韻

元 黃 庚

觸目錢塘昨夢非行春載酒憶當時
花間不輟香輪入柳外空鞭駿馬飛
落日荒煙和靖墓斷雲流水子胥祠
忘情鷗鷺閑於我應笑江湖客未歸

西湖

元 徐秋雲

涼洗冰壺壓兩峰
鏡鸞無地覓驚鴻
芙蕖池館鴛鴦雨
楊柳樓臺燕子風
玉筵度雲聽似夢
畫圖浮水望如空
斗牛已屬乘槎客
何處凌波第一宮

遊西湖

元 張復亨

山翠湖光晝染扉
珠宮縹緲晚鐘微
僧尋三竺沿隄過
鶴認孤山背水歸
橋影亂分公子棹
荷花輕着美人衣
繁華不醉飄零客
愁聽啼鶻又夕暉

西湖秋日

元 尹廷高

深秋幽興在平湖
佇立微吟獨撚鬚
黃鶴孤飛盤古木
翠禽危立顫枯蒲
斜河淡月互明滅
遠嶂寒煙半有無
自是胸襟發清氣
不愁佳景最難摹

西湖

元 于石

西湖勝概甲東南
滿眼繁華又幾年
鐘鼓相聞南北寺
笙歌不斷往來船
山圍花柳春風地
水浸樓臺夜月天
士女只知遊賞樂
幾人翹首五雲邊

遊西湖

元 曹伯啟

鬱鬱羈愁暑不堪
畫船兩出事奇探
柳邊和氣蘇公路

西湖志 卷三十六
三
梅底清風處士菴已覺湖山入胸臆更容絲竹薦肥甘
錦雲一段三千頃記取平生作盛談

西湖舟中

元黃潛

黃塵烏帽愧平生對客猶稱舊姓名此事正堪三太息
祇今忍負四難并放舟乍落空濛境送酒元無窈窕聲
金谷蘭亭今已矣不妨時暫濯吾纓

西湖空濛圖

元劉因

舊隱湖山筆底收相從京洛意中遊昏昏車馬飛花雨
寂寂鐘魚落葉秋千古登臨翻作夢百年歌舞漾清愁
何當化鶴看滄海不用呼猿汲澗流

湖上

元楊載

秋郊縱步却驂驪勝事能多許客參如雪萬家收早稻
未霜千樹着黃柑鼉鳴海上潮先湧猿叫山前霧欲含
放浪漁樵元有處使人猶自愛江南

暮春遊西湖北山

元楊載

愁耳偏工着雨聲好懷長恐負山行未辭花事駸駸盛
正喜湖光淡淡晴倦憇客猶勤訪寺幽棲吾欲厭歸城
綠疇桑麥盤櫻筍因憶離家却歲更

題沈君湖山春曉圖詩卷

元楊載

迤邐沙隄接畫橋東風楊柳暗長條鶯隨玉笛聲偏巧
馬受金羈氣益驕舞榭歌臺臨道路佛宮仙館入雲霄
西湖春色年年好底事詩翁歎寂寥

西湖

元曹志

與客攜壺泛畫船西湖佳麗翠依然柳洲鎖秀晴光艷
蓮沼生香曉色鮮三竺樓臺爭勝概六橋桃李競芳妍
凭觀放鶴孤山處惆悵亭空夕照間

次韻王侍郎遊湖

元薩都刺

綺席新涼舞袖偏賞心輸與使君專螺杯注酒搖紅浪
綵扇題詩染綠煙一境湖光開曉日萬家花氣漲晴天
湧金門外春如海畫舫笙歌步步仙

錢塘湖

元馬祖常

石橋西畔竹棚斜閒日浮舟閱歲華金鑿懸崖開佛國
玉分飛瀑過人家風杉鶴下春鳴埵雨樹猿嘯暝蹋花
欲賃菱田來此住東南更望赤城霞

湖上

元錢子正

湖上秋深也可憐杖藜常日到湖邊荻花幾處雪初霽

楓葉滿川紅欲燃老去揚雄原有宅歸來陶令豈無田
渚蘋汀蓼相牽挽我欲移家理釣船

陪俾少監海修撰遊西湖

元貢師泰

十年不到西湖上此日重來意倍親尊酒暫陪天上使
畫船猶待水邊人題詩香漬箋花舊度曲聲傳玉樹新
歸醉小樓明月曙開元鐘鼓正朝真

春日泛湖

元張翥

春來渾不到湖邊偶逐東風上畫船花氣暖薰黃鳥岸
水光晴展白鷗天綠楊興劇頻呼酒銀管聲高正撥絃
我比放翁應更放看花不獨海棠顛

二月望日湖上值風

元張翥

疾風吹浪滿重湖雲掩西山一半無黃帽牽船依岸過
蒼頭按鵲繞林呼鶯花世界如春夢煙雨樓臺似畫圖
童稚茲遊今白髮斷橋斜日重踟蹰

次韻劉憲副春日湖上

元鄭元祐

湖水西邊舊是家春風繞屋種梅花傳聞故老談前日
愛教仙人服幻霞鶴老離巢松化日鸞孤照水竹穿沙
只今重到經行處憔悴蕭郎兩鬢華

西泠隱居

元 葉廣居

瘦木栽冠鶴鬣輕十年塵土厭飄零
小山舊隱雲封戶大藥新栽月滿庭
丹井夜交龍虎氣碧霄春躡鳳凰翎
西風客舍炎歎淨擬讀琴心內景經

湖上漫興二首

元 張 昱

百鎰黃金一笑輕少年買得是狂名
樽中酒釀湖波綠席上人歌鳳語清
蛺蝶畫羅宮樣扇珊瑚小柱教坊箏
南朝舊俗憐輕薄每到花時別有情

湖上新泥雪漸融門前潯水暗相通
裙欺萱草輕盈綠粉學櫻桃淺淡紅
暮雨欲來銀燭上春寒猶在酒尊空
青綾被薄不成夢又是一番花信風

三月三日湖上作二首

元 張 昱

此日誰人肯在家傾城滿意事繁華
時非上巳不爲節春到牡丹纔是花
霧鬢風鬟湖上女畫輪繡轂道傍車
兒童盡唱銅鞮曲未覺人間日易斜

此日西湖似曲江湔裙流水碧淙淙
誰家女子不紅粉是處水亭皆綠窗
白髮看花春可數畫船扶醉玉成雙
傍人莫哂狂居士老至閒情尙未降

退居湖上投贈楊左丞二首

元張昱

樓外湖光白渺茫樓中少婦試新粧行年將近半百歲
大醉豈能千萬場翠織舞裙飛蛺蝶白描歌扇睡鴛鴦
垂楊滿院無人到芍藥花開日正長

且觀神女爲行雨莫問郎官應列星芳草到門無俗駕
好山終日在湖亭白鷗共戲荷葉小黃鳥亂啼楊柳青
便倚曲欄干外立晚涼吹得酒都醒

惆悵

元張昱

畫船湖上載春行日日花香扇底生蘇小樓前看洗馬

水仙祠下坐聞鶯碧桃紅杏渾相識紫燕黃蜂俱有情
惆悵繁華成逝水盡歸江海作潮聲

湖舫勸曹德昭僉院酒

元張昱

倩得名姬唱慢歌梁塵直欲下輕波西風八月菱荷老
落日滿湖鳧雁多到手莫辭雙盞飲轉頭又是一年過
光陰只在槐柯上柰此浮生樂事何

湖樓

元張昱

樓前芳樹碧盈盈付與幽禽自在鳴隄上馬馱紅粉過
湖中人載酒船行日長燕子語偏好風暖楊花體更輕

何限才情被花惱獨教書記得狂名

縱飲

元張昱

外湖裏湖花正開風情滿意看花來白銀大瓮貯名酒
翠羽小姬歌落梅身外功名真土苴古來賢聖盡塵埃
韶光如此不一醉百歲好懷能幾回

西湖漫興

元張昱

玉局當年爲寫真西施宜笑復宜顰朝雲暮雨空前夢
桃葉柳枝如故人露電光陰千劫外魚龍波浪一番新
傷心最是逋仙宅半畝殘梅共晚春

七月旦日與吳彥孚錢良貴拉袁鵬舉遊湖值風

雨聯成口號一首

元錢惟善

泛湖此日故人期一葉偏舟任所之雲霧兩峰青恰噴
波濤萬頃碧琉璃豈同袁紹飲河朔却是岑參泛漾陂
醉裏不愁風雨至只疑昏黑有蛟螭

八月望日登江樓觀潮

元錢惟善

白馬濤頭駕素車至今猶是詫靈胥千年元氣淋漓後
八月長風震盪初顧兔盈虛端不爽神龍變化竟何如
須臾日落明江練東逝滔滔泄尾閭

三月望日與袁鵬舉賓玉同游北山東山神仙宮

勝處訪喜雀寺茂上人不遇泛舟而回

元 錢惟善

自憐耽句平生樂時得尋真半日閑白白楊花迷道上
青青梅子落林間三千歌舞如春夢四十飛騰未老顏
喜雀寺中尋舊話前身記得是香山

正月十六日遊湖上

元 錢惟善

東風杖履偶相從試傍新隄覓舊踪花竹園池通一徑
金銀樓閣倚千峰林煙日午青先暝湖水天寒綠未濃

賣酒壚頭人似玉抱琴時復醉臨邛

西湖

元 楊維禎

西湖風景開圖畫墨客騷人入咏嗟扇底魚龍吹日影
鏡中鶯燕老年華蘇隄物換前朝柳葛嶺人耕故相家
今古消沉一杯水兩峰長照夕陽斜

嬉春體五首

錢塘湖上作

元 楊維禎

今朝立春好天氣況是太平朝野時走向南鄰覓酒伴
還從西墅買花枝陶令久辭彭澤縣山公祇愛習家池
宜春帖子題贈爾日日春游日日宜

西子湖頭春色濃
望湖樓下水連空
柳條千樹僧眼碧
桃花一株人面紅
天氣渾如曲江節
野客正似杜陵翁
得錢沽酒勿復較
如此好懷誰與同
何處被花惱不徹
嬉春最好是湖邊
不須東家借騎馬
自可西津買蹋船
燕子繞林紅雨亂
鳧雛衝岸浪花圓
段家橋頭猩色酒
重典春衣沽十千
入山十里清涼國
二百樓臺迤邐開
岳王墳前弔南渡
隱君寺裏話西來
接果黃猿呼一箇
採花白鹿走千迴
風流文采湖山主
坡白應須屬有才

楊子休官日日閑
桐江新棹酒船還
丁甯舊客兼新客
漫浪南山與北山
好懷急就一斗飲
佳人能作五絃彈
君看此地經遊輩
彷彿春風夢未殘

寄西湖林一貞先生

元 丁鶴年

錦繡湖山世絕稀
東風不放賞心違
芙蓉楊柳臨清淺
佛刹仙宮遶翠微
畫舫載春天上坐
紫騮馱醉月中歸
高情獨有林和靖
門掩晴空看鶴飛

咏吳山景

元 貢性之

鸞翔鳳翥枕江流
秀奪江南第一州
螺髻巧盤雲外影

西湖志 卷三十六 藝文六
蛾眉深鎖雨中愁舞衣春試鴛鴦錦歌扇晴翻翡翠樓
寶馬香車游冶子賞心誰不為遲留

南屏別墅圖

元 劉儼

竹裡深藏聽雪齋花邊小築御風臺雲嵐倒影水天迴
蒲葦有聲山雨來內史幽情觴詠樂右丞別業畫圖開
何時許我游真境野色橋邊踏紫苔

錢塘二首

元 朱夢炎

萬戶煙消一鏡空水光山色畫圖中青樓燕子家家雨
錦浪桃花岸岸風櫂轉舞衣凝暮紫簾開歌扇露春紅

蘇公隄上垂楊柳尙想重來試玉驄

吳越山川勝概多綵雲樓觀鬱嵯峨晴巒日照芙蓉影
細柳風生翡翠波楚客移舟時見問吳姬抱瑟肯相過
片帆明日江東去向憶尊前對酒歌

錢塘西湖卽事

元 張翥雨

苔竹溝深迷遠近置我縣南春草湖飄風驟雨且高臥
來鴻去燕非良圖中散幾時應罷鍛舍人何日共投壺
爲留兵廚醞醪酒待看池蓮冰雪膚

西湖

元 釋德淨

西湖志 卷三十六
秋熾如焚入故鄉蘇公隄畔柳陰涼佛頭山色古今在
鏡面湖光日月長白鳥飛空暗點雪紅蓮出水曉吹香
六橋歌鼓成何事消盡黃金幾夕陽

湖山深處

元釋德淨

湖山深處一高僧終日棲禪性地明石上坐看羣鹿過
窗前閑聽野禽鳴幽居不接人間境靜慮都忘世外情
何用別遊方廣去此中瀟灑有餘清

夏晚泛湖

元釋英

楊柳陰中艤小船菱荷香裏聳吟肩雷聲驚起雲頭雨
塔影倒搖波底天羣鷺遠明殘照外一僧閒立斷橋邊
菱歌嫋嫋知何處滿袖清風骨欲仙

西湖志卷之三十六

總校王詒壽分校

章乃錫校
孫瑛校

西湖志卷之三十六
 藝文六
 三

西湖志卷之三十七

藝文七

詩 七言律

靈鷲觀燈

明 貝瓊

天樂風傳應壑雷
 鷲峰春色似蓬萊
 一天象緯迎秋轉
 十月龍宮徹夜開
 西國老僧依樹坐
 上方仙女散花來
 夜深借榻山房宿
 更欲題詩到上台

西湖

明 王禕

波光一碧淨無瑕
 楊柳芙蓉紫翠加
 岸岸樓臺圍綺麗

船船歌管載繁華蘇隄北去岳王家葛嶺西來賈相家
富貴功名總如夢孤山歲歲自梅花

分省諸公邀西湖宴集

明 陳基

湖上相逢宴屢開紫薇花下約同來水光釀綠凝歌袖
山色分青入酒杯蛺蝶影隨羅扇動琵琶聲逐畫船回
獨憐英骨埋芳草南拱枝頭蜀鳥哀

寄南屏惠長老

明 張羽

蒲室傳心第一宗老尋古刹寄行踪貫花偈就人爭寫
壞色衣穿白懶縫案上梵經皆貝葉手中談麈是青松

何年惠遠重開社來聽東林寺裏鐘

送勤上人歸靈鷲山

明 張紳

靈鷲禪房我所思可憐春晚送勤師亂山啼鳥煙霞裏
一路落花風雨時定有猿看窗外果應知苔護壁間詩
門前有徑通天竺欲向中天採石芝

雪湖八景次瞿宗吉韻

明 凌雲翰

鷲嶺雪峰

大地渾無一點瑕光明都屬梵王家兩峰高並疑堆玉
一道中分類剖瓜已為岩巽知鷲嶺還因凜冽記龍沙

此時翻憶藍關句誰復能開頃刻花

冷泉雪澗

下有流泉上有松諸山羅列玉芙蓉壚頭又釀誰家酒
屐齒應嫌此處踪汲去煮茶隨甕抱引來剡木入廚供
澗邊亭子無人宿空使猿嘯昨夜峰

斷橋雪棹

山逗晴光玉氣浮我來乘興似王猷橋迷蝶竦高高聳
船壓玻璃細細流雪後未回花外棹雨中曾喚柳陰舟
遙思寂寞春寒夜一舸歸來起白鷗

蘇隄雪柳

寒梢不耐北風狂何似東風萬縷黃西子畫來螺黛淺
蘇公行處馬蹄香蘭同舊葉堪爲珮藕比新絲可織裳
待得春歸飛絮亂畫船移近柳邊傍

孤山雪梅

凍木晨聞尾畢逋孤山景好勝披圖翠禽巢失應難認
皓鶴籠空不受呼已見萬花開北隴莫教一片落西湖
快晴更待黃昏月疎影隨身不用扶

巢居雪閣

人間蓬島是孤山高閣清虛類廣寒木處恐顛從此穩
僧居疑小較來寬瑤花琪樹緣邊繞玉宇瓊樓向上安
裡外湖光明似鏡有梅花處好憑闌

南屏雪鐘

翠屏化作玉千層樓近鐘疎恍若憑和雪送來清瀝瀝
穿雲透出慢騰騰華鯨謾意秋號月鐵馬渾疑夜響冰
一百八聲纔擊罷雷峰又照塔中燈

西陵雪樵

湖曲風寒戰齒牙不知高樹已翻鴉遠持斤斧黏冰片

旋砍柴薪帶雪花市上得錢沽斗酒擔頭懸笠插山茶
路人試問歸何處笑指西陵是我家

觀潮

明李 畢

江上秋風八月潮浪花吹雪過山椒雄吞越徼聲喧礮
高蹴吳天影動搖鐵箭事聞今尙在鴟夷魂遠有誰招
滔滔無限朝宗意夜久魚龍謾寂寥

遊西湖

明王 洪

紅蓮白蓮開滿湖小娃唱歌聞且都故人相會能幾日
美酒何妨傾百壺雙拳藏鬪握松子三簧調舌鬪鶯雛

暮歸酩酊白馬上誰識山翁非酒徒

汎舟

明張輿

紅藕花深逸興饒一雙鷓鴣避鳴橈曉風涼入桃花扇
臘酒香分椰子瓢狂客醉欹明月上美人歌斷綠雲消
數聲漁笛知何處疑在西陵第一橋

中秋日湖中

明張輿

風波千頃畫船開吹近芙蓉影裡來倒捲彩霞翻舞袖
斜飛白雨溢行杯總宜園冷花無主蘇小墳空草作堆
爲倩金戈揮落日秋聲莫向樹頭哀

湖上分韻得香字

明張輿

晴麓雲橫萬里長出門步步是春光近湖酒閣多紅杏
隔岸漁家盡綠楊簫鼓聲寒心自醉綺羅魂冷骨猶香
漫游不是矜年少贏得閑情似洛陽

題月夜泛湖詩卷

明虞堪

醉裏誰吹碧玉簫滿湖明月泛蘭橈一時高興都難遇
萬里青冥便欲飄風月龍吟秋嫋嫋星河鷺起夜迢迢
漢槎羸節成何似不及空歌度沈寥

西湖

明虞謙

西湖開鑿大唐年夾岸樓臺夕照邊一鏡天開浮碧玉
兩峰雲淨出青蓮雪中杖履尋梅客月下笙歌載酒船
我欲乘風游汗漫不知何處問坡仙

湖上寫懷

明魏驥

推篷篷底臥看山未信休官有此閑思逼層霄埃埒表
詩成高枕水雲間船頭涼雨疎還密湖面輕鷗去復還
卻喜餘年尚強健追歡應不往來慳

湖上餞別送杭庠皮司訓

明鄧林

三年作宦在錢塘曾共湖山醉幾觴今日獨為千里客

何時重上百花航吟邊風月詩名舊望外關山仕路長
貴賤窮通從此別交情珍重莫相忘

題豐樂樓圖

明李進

錢塘城郭古神州勝槩千年尚有樓南浦雲開珠箔曉
西山雨歇畫闌秋玉人歌舞成春夢芳草王孫失舊游
物換星移餘事在酒邊殘墨記風流

同于京兆景瞻汎湖

明馬洪

畫舸秋風湖上來水通天碧靜無埃一雙鷓鴣忽飛下
千朵芙蓉相映開鳥似彩鸞窺寶鏡花如仙子步瑤臺

西湖志 卷三十七 六
風光堪賞還堪賦不作江南庾信哀

吳山春望

明張寧

東門吹雨百花晴獨立鰲頭醉眼明樓閣矗天山擁寺
江湖環地水通城中原故友浮雲散南宋諸陵草蔓平
日暮長歌下山去蘼蕪滿地伴人行

同客過湖

明銜英

山繞重湖寺繞山天留圖畫在人寰路從烏柏林邊轉
船近黃妃塔下灣歲月祇隨華髮改煙波空付白鷗閒
當歌不耐傳觴促獨俯寒沙照醉顏

暮春陪陳太常西湖宴集

明銜英

六橋柳色翠迷津畫舫移遲送酒頻醉眼不知三月暮
賞心又度一年春鶯諧急管催歌板燕蹴輕花墮舞裯
年少莫將行樂誤座中半是白頭人

秋日湖上

明銜英

紅泉碧磴舊追攀臺榭參差落照閒暝色乍收天外雨
晴光忽動水邊山清秋積翠雲霞淨盡日幽芳歲月閒
爛漫尊前隨意足好乘明月弄潺湲

石田西邨二君招游西山予先行憩冷泉二君至

予詩適成諸君亦繼作石田仍寫圖留為山中

故事俾予先錄於上

明 鐸 英

雨晴林壑淨朝暉一路看松入翠微芳草似曾留客臥
黃鸝渾欲近人飛相逢巖叟收茶早久別林僧會面稀
重在冷泉亭上坐賦詩題畫憺忘歸

與吳西疇西湖飲別

明 鐸 英

有約來登湖上亭一天詩思集疎櫺東風草色鷗邊綠
落日山光鳥外青紅袖舞來花欲笑銀罌倒盡客忘形
抱琴行樂吾儕事莫待蕭蕭兩鬢星

同陳緝熙泛湖

明 聶大年

宿雨初收見兩峰湖光如練瀉晴空畫船載酒來天上
青鳥銜花度鏡中檀板歌聲無越女翰林詩句有唐風
相逢莫惜留連飲明日誰人拾落紅

自錢唐門抵浙江驛望西湖諸峰

明 姚 綬

不見湖山已七年湖光山色兩依然青鞋白踏芙蓉露
畫槩誰衝翡翠煙目斷蘇隄新柳外僧歸竺國舊峰邊
丁寧春忽堂堂去有待重來醉管絃

早春過西湖

明 姚 綸

西子湖頭得早春淡煙微雨暗湖濱柳枝尙短不著水
梅蘂未開先可人老境正憐諸事懶風光無柰一番新
晴來且整登山屐遮莫鶯花笑客貧

游西湖次姚桂巖韻

明懷悅

偷取紅塵半日閒朝來移席水雲閒歌抽象箸敲烏几
醉借蛾眉倚玉山水檻曉煙吹柳色石橋春雨洗苔斑
紅船落日游人散載得光風霽月還

西湖秋泛爲費宗裕題

明鎰泰

湖水涵秋分外清蘭舟蕩漾入空明香消冷瓣紅蕖墜
雪颭晴絲白鷺驚老眼看山聊艤棹小鬟催酒不停箏
勝游豈獨推坡老落日西風無限情

次韻夏大卿寄瑪瑙寺獻上人

明鎰泰

高僧占斷西湖勝細草斜連石子坡度嶺翦來藤作杖
翻畦種得茶成窠一龕曉日紅蒸衲四壁秋煙翠染蘿
借問何時應開講洗清塵耳定須過

與客西湖行樂

明鎰泰

西湖山水名天下有客乘春作勝遊白騎踏花銀絡腦
青蛾舞雪錦纏頭旛幢影裡高低寺絃管聲中遠近樓

如此風光莫虛度人生只合老杭州

春日湖上

明 鎰 泰

西子湖頭風日佳春衣初試踏晴沙長隄畫舫依楊柳
小店青旗颭杏花笑裡握鬪藏變化狂邊題句字欹斜
晚來不盡登臨興一路鶯聲送回家

泛湖值雨簡費庭用

明 鎰 泰

溼雲遮斷好峰巒斗酒呼來且盡歡養鴨人家春水滿
落梅天氣午風寒君醒陡覺衣裳薄我醉甯知宇宙寬
閒卻銀箏多少曲紅樓船上幾時彈

西湖宴集次費宗裕

明 鎰 泰

湧金門外新亭好得其羣賢盡日娛白藕褪花秋欲近
綠筠交葉暑全無衣浮爽氣龍收雨鏡破澄光鷺點湖
回首鳳城扶醉入漏聲催晚急投壺

吳山看雪呈郁士端

明 鎰 泰

天人翦水落雲端直上危坡縱遠觀萬竹無聲銀鳳立
千峰有勢玉龍蟠已將奇事占麩麥更覺清華入肺肝
誰倚東風吹短笛梅花初放不禁寒

湖曲行春次沈用賓韻

明 鎰 泰

巾子峰頭葛嶺西盤迴白石盡無泥鶯吭暖送春聲滑
鷺翅晴翻雪影低紅瘦巖花飄滿路綠肥湖水受諸溪
大家留取金錢百擬約明朝酒再攜

張廷芳李若虛二副憲江廷緒僉憲約游西湖左

時翊大參後至得聯句十首 明程敏政

東風吹雨下湖船 程良會今朝豈偶然 江煙景可人非

為酒 張春光隨地不論錢 李數聲啼鳥蘇隄外 左幾樹

垂楊岳廟前 程滿眼詩情吟不盡 江孤山祠下酌三賢

張以下聯
吟次第同

煙景霏霏入暮春賞春多是宦游人野鳧狎客隨舟遠

江燕穿花送酒頻雅會不須歌舞涵奇觀絕勝畫圖新

六橋過盡重回首久住湖邊我未嗔

十里湖山入望遙可堪野色故人撩樓臺隱現午煙淡

鷺鴨浮沈春水嬌撫景無詩憐我拙追歡有樂是誰招

東風更有重來日莫待濃陰翳斷橋

來往游人不避舟鏡天空闊雨初收桃花向我如相笑

竹葉浮君可自由山外有山深見寺客邊逢客一登樓

唱酬遮莫歸鴉盡三竺峰前更小留

公家事了獨來遲一笑相尋未有期湖上風光春最好
雨中詩景晚猶奇鄰舟愛客供鮮鯽古寺尋僧問紫芝
多謝故人頻向我可堪明日又分岐

山當佳處有船屣喚酒催詩思欲飛狼藉醉中長短句
闌珊春後袂緜衣忘機鷗鷺隨冠蓋浪跡鸚鵡負蕨薇
後會無涯情未已眼中誰道故人稀

西湖春水暖溶溶美景佳賓豈易逢遊到南屏船駐久
坐忘東道酒行重高城迢遞煙鐘晚遠浦參差雨樹濃
劇飲不須脩禊事會稽何地覓遺蹤

主客同舟西復東花邊煙雨柳邊風謫仙先我詩層出
禊飲憑誰酒易空青雀渡頭春樹暗白鷗沙外晚潮通
相看此地情無極弔古還尋放鶴翁

湖上風煙三月三湖中新水遠拖藍風流再續蘭亭後
文物誰當北斗南林外易驚人語亂花間春共客情酣
乘時張弛非沈醉紀勝無才卻自慙

維舟重憩藕花居湖水湖山故惱予紗帽不妨風外側
塵襟都向雨中舒滿天暝色催詩急繞座春風入醉餘
遊倦莫愁歸路遠湧金門外有輕輿

湖上待留邦彥不至

明程敏政

當時曾覓臥遊篇今日重來更惘然
綠芰曉風頻喚酒白鷗新水漫停船
誰能向子封佳社獨可尋僧結淨緣
明發又從嚴瀨去潮聲空落暮江邊

胡文恭僉憲邀遊西湖次張天錫湖船韻

明程敏政

湖上來尋一日歡春風消日旅懷寬
玉壺載酒隨山住銀甲彈箏隔水看
花雨上瞻三竺遠松雲高拂兩峰寒
忘情潦倒沙鷗睡相好平生幾豸冠

雪晴同邦彥游西湖

明文來林

雪後孤山共探梅便乘清興不須催
林邊細路和橋斷湖上疎花傍竹開
雲影分明披絮帽蹄泔彷彿散銀盃
酒寬新量詩盈卷不負凌寒一度來

西湖

明趙寬

十里湖光一鏡開玉壺天地小蓬萊
丹青難寫鶯花景山水真成錦繡堆
遠客正逢高宴啟勝游剛及暮春來
蘇隄岳墓經行過更醉馮園鴨綠杯

西湖用史明古韻

明沈周

西湖志 卷三十一 藝文七
水色天光照總宜紅樓綠幙鏡中移游因湖使人忘妙
趣在山多酒放遲問柳漫尋前代跡看花重省少年時
月明更有餘情在慢把新詞譜竹枝

觀西湖百詠集感舊有作

明沈周

白髮攤書似夢驚某邱某水認題名袖中東海言非大
紙上西湖眼更明少覺舊游渾記得老關佳處尙思行
青鞋布鞵猶鮮健祇待花時計便成

題冷泉亭圖

明沈周

入林兜子送斜暉酒面風情色漸微白髮再來渾覺老
青山久住不重飛老僧古寺相逢熟故國遺踪欲見稀
千箇長松臥房近吹燈還照鶴羣歸

寓雲居得張龍湖相公書

明施峻

精舍岩堯隔翠微我來便覺世情違疎燈照雨簷花落
短鬢臨風木葉稀白雁虛疑千里信青山容得幾人歸
詩成正在鐘鳴後獨立空庭攬舊衣

湖上

明薛章憲

一別西湖動隔年重來更上郭門船丹山碧樹供吟眺
綠浪紅蕖兀醉眠已與畸人同脫略且從漁父共延緣

漸營水竹移家住擬學王維結輞川

雪後泛湖和周子賢

明顧璘

西郭羣峰積雪寒畫船湖上倚篷看樓臺隱見青松色
蘆荻蕭條白鴈灘沈醉放歌新歲始陽春和曲古來難
期君盡訪山中寺細草微風石路乾

和許隱君游西湖

明顧璘

千峰萬壑斷飛埃百頃湖光演漾開大塊丹青隨意得
炎天冰雪傍舟來不禁楊柳牽衣袂況復荷花近酒杯
曾是宋時游賞地彩雲猶護舊歌臺

湖寺觀雨

明顧璘

溼雲吹墨濺湖波急雨翻盆落澗阿江郭衆山當面失
寺門孤樹柰風何浮生白髮餘高興暇日清尊且浩歌
蓑笠醉歸還自笑晴天曾得幾回過

中秋偕客西湖玩月

明陳霆

早熟菱荷已半收湖光初轉月光浮水風吹面不知醉
山翠溼衣如覺秋驚鵲可堪如逐客跳魚時見入虛舟
夜闌更整蒼龍珮直欲凌風海外游

秋夜泛湖

明孫一元

西湖志 卷三十七
一望晴煙破冥幽湖天灩灩月初浮旋攜斗酒呼鄰父
小有盤蔬上釣舟笛咽水龍中夜冷杯搖河影萬山秋
人間回首愁何事欲覽清光最上頭

西湖秋暮

明 鍾 薇

木蘭載酒送殘秋放鶴亭西路轉幽黃菊一隄金作埒
丹楓千樹錦成邱山將暮色藏孤寺波帶晴光上別樓
客去客來無盡興谿山不改舊風流

遊西湖諸山

明 陸孟昭

山寺迢迢湖水東樓臺高出翠微中自慚投社非陶令
卻羨能詩有遠公花氣暖浮千嶂雨松聲涼灑一闌風
穿林怪底多麋鹿十里平波碧草豐

寄孫太白湖上

明 鄭善夫

爲問山人孫太初交情歲晚莫教疎孤山梅萼春相惱
滿地松苓手自鋤江夏肯容禰處士茂陵初臥馬相如
知君不廢茗溪約書帛能無寄鯉魚

西湖泛月

明 黃 卿

畫舸清樽夜不牽空明流彩興飄然星光山影平鋪底
菱渚荷波冷浸煙地接廣寒疑尺五人傳闥苑隔三千

六橋曲岸沿洞徧魚屋猶聞較酒錢

西湖

明張傑

誰爲鴻濛鑿此陂湧金門外卽瑤池平沙水月三千頃
畫舫笙歌十二時今古有詩誰絕唱乾坤無地可爭奇
溶溶漾漾年年綠銷盡黃金總不知

昭慶寺看芍藥

明王渙

一半春光過牡丹又開芍藥徧禪關久辜往約違蓮社
今續清歡到寶闌垂露幾團花面溼東風一陣燕泥寒
酒邊何味呈奇供綠筍朱櫻正滿盤

西湖舟中二首

明王瀛

東風引興事幽闌淑景剛逢三月三雨後好山疑曉翠
鷗邊新水漲春藍苕絲牽浪舟徧滑花氣熏人酒易酣
忽憶舊游修禊處蘭亭髣髴在湖南

春霽湖頭放畫船一篙撐破鏡中天載來歌舞人如玉
引出湖山酒似泉花柳六橋迴錦繡樓臺三竺入雲煙
自慚垂老忘機客也逐風流溷少年

三月三日西湖泛舟

明徐階

出郭尋芳嗟已遲惜春聊趁賞春期輕寒綵鷁朱簾捲

西湖志 卷三十一
過雨紅粧錦瑟移柳暗忽開天竺路花深不辨六橋隄
明朝祇合扶殘醉重上飛來款淨慈

湖上

明 潘 恩

西湖如練風日清西山屏障更分明上方金碧自相映
下界鼓鐘時一鳴桃柳青溪張席罷菰蒲白水放舟行
此時正切東南想怪爾浮雲空北征

游西湖

明 姚廷輔

何處能消白晝閒西湖佳景畫圖間尊前醉客不在酒
眼底可人惟是山十里香風花藹藹六橋春色草斑斑
雷峰塔畔詩成後載得笙歌薄暮還

西湖漫興

明 田汝成

蘇隄如帶束湖心羅綺新粧照碧潯翠幙淺寒憐草色
華筵小簇占花陰凌波人度纖纖玉促柱箏翻疊疊金
月出笙歌斂城市珠樓縹緲綵雲深

湖上觀雨

明 袁 表

湖氣昏昏雨欲來山嵐如障蔽樓臺瑣窗白晝羸陰霧
巖壑清秋起暴雷落雁漸稀漁網集歸鴉遙帶客帆迴
書空終日知何益且復陶然進一杯

湖上

明孫陞

湖曲攜尊坐翠微
山芳冉冉襲人衣
春來水漲桃花發
社後風和燕子飛
一艇斜維垂柳岸
羣鷗閒傍釣魚磯
故鄉好景不知玩
何用天涯每憶歸

泛舟西湖尋天竺寺

明莫如忠

方外招攜亦勝緣
晴川風日艤樓船
折來秋色皆成供
聽去泉聲總是禪
九里栽松行磴道
六橋鳴榜下潭煙
淵明錯訝東林社
逢着僧牀欲醉眠

西湖

明胡應麟

繽紛桃李盡成蹊
夾岸垂楊送馬蹄
遠水落霞蕭寺外
孤峰殘照斷橋西
闌干半倚青林出
睥睨遙看碧樹齊
小扇輕羅歌未闕
樓船已到百花隄

西湖卽事二首

明張元凱

十里長隄柳色新
六橋凝碧水粼粼
桃花似妬青樓女
楊柳如思白舍人
鶯語風前猶自澀
山容雨後尙含顰
武陵舊日通來往
不向漁郎數問津

錢唐蘇小茜羅衣
短棹穿花過釣磯
杜宇聲中怨離別
夢兒亭外惜芳菲
微風吹藻鱗鱗浪
落日含山樹樹暉

西泠志 卷三十一
最是碧雲隨處合美人乘興夜忘歸

午日汎湖

明 萬 表

端陽重載西湖酒山色依然似去年隄上兩行桃柳密
湖邊一望苑臺連競將歌管娛佳節自折菖蒲插野筵
病質強支同此醉不勝歸思夕陽前

訪李岫嶠山人於靈隱寺

明 徐 渭

岫嶠詩客學全真半日深山說鬼神送到澗聲無響處
歸來明月滿前津七年火宅三車客十里荷花兩漿人
夾岸鷗鳧渾似昨就中應有舊相親

李舍人孤山草堂坐雨

明 王穉登

筍輿行過斷橋來樓上銀罌水上開白鳥數行猶似鶴
青山五月已無梅雨昏不辨絲千縷湖淥渾疑酒一杯
幾欲題詩題未得舍人原是謫仙才

林純以卜居西湖

明 王穉登

藏書湖上屋三間松映軒窗竹映關引鶴過橋看雪去
送僧歸寺帶雲還輕紅荔子家千里疎影梅花水一灣
和靖高風今已遠後人猶得住孤山

湖上送梁昌孺北上

明 周汝登

湖中話別水初深短棹夷猶過竹林遠樹孤亭千古色
清歌細語一時心蘇公隄上行還住陸相祠前酒更斟
竟日留連情不盡看山還待月華臨

湖樓雨集

明 陸懋龍

不量晴雨便稱厄雨過樓頭別一姿畫壁雲香從座起
筠簾風影逐波移歌殘燭熄春衣怯語襍觴條夜漏遲
帶溼管簫疑半咽城烏啼上隔牆枝

湖上觀漁燈

明 湯 煥

晚晴湖上翠煙生歷歷漁燈隔岸明風靜浪花搖倒影
夜深河漢帶高城驪龍出水光先射白鳥眠沙夢不驚
翻笑遠公投轄餌年來空有釣鰲名

西湖

明 田藝蘅

游徧天涯有此無秋來風味獨西湖紫螯佐酒尖臍蟹
紅膾飛刀巨口鱸楊柳參差迷院落笑歌迢遞出菰蒲
醉中記得孤山曲曾有佳人解佩珠

春日西湖卽事

明 鄭 琰

蘇小門前柳帶煙煖沙晴日水如天杏糜供作宜春酒
榆莢分爲買笑錢垂柳綠遮騎馬路落花紅襯釣魚船

杜鵑不解游人意催盡韶光又一年

西湖春日戲贈潘景升

明 柳應芳

武林門外正春華十里空湖帶淺沙
夾岸樓臺千佛地隔城簫鼓萬人家
青絲游騎乘朝日紅粉回舟映晚霞
莫訝劉郎歸未得六橋芳樹半桃花

西湖尋曹能始

明 何璧

垂楊漠漠荇田田何處春風十四弦
放鶴僧歸天竺雨聽鶯人過六橋煙
詩尋蘿薜誰邊寺酒載桃花第幾船
游子天涯魂易斷非關春樹有啼鵑

宿南屏柬城中朋舊

明 程嘉燧

南屏雲木晚蒼蒼潦倒交情未可忘
藥裹春攜停楚檝山經秋寫屬吳裝
寒燈正是風驅葉輕筆斜題雨漏牀
林月池塘廿年地肯來隨意宿僧房

登北高峰宿絕頂僧舍

明 程嘉燧

雙峰徑轉石林蒼攜客捫蘿宿上方
澗飲斷虹明積翠湖飛片雨亂斜陽
東來島嶼吞江郭西去山雲指故鄉
夜久禪心同寂歷松風諸嶺一何長

西湖

明 吳鼎芳

西泠志 卷三十一
三
嫋嫋東風蝶試衣
絲絲芳草燕爭飛
隄邊楊柳青絲騎
水上桃花白板扉
三竺片雲雙樹隔
六橋殘雨一僧歸
年年最好春陽月
無那鐘聲送夕暉

西湖

明 葛一龍

黛寫殘山帶郭遙
鏡浮新水不通潮
隄邊縹馬客投寺
花裡唱歌船過橋
遊客年年題彩筆
春風處處長蘭苕
湖心亭子湖心月
醉與何人度此宵

湖莊曉臥

明 溫 璜

溪頭唱罷響黃驢
一宿蘧廬儘自怡
約略掃除安郭泰
漫勞種竹借徽之
曉鐘曲徑吹來折
清唄高山颺下暉
何處游人又撾鼓
松風遙引客窗詩

作不繫園

明 汪汝謙

年來寄跡在湖山野
衲名流日往還
絃管有時頻共載
春風何處不開顏
情癡半向花前醉
懶癖應知悟後閒
種種塵緣都謝卻
老航一舸水雲間

不繫園成二首

明 汪汝謙

湖光二月漾晴暉
輕舫新成傍釣磯
有水有山情不繫
非園非圃澹忘歸
涓涓夜月橫琴榻
采采朝雲出舞衣

長笛一聲如裂石滿灘鷗鷺莫驚飛

碧紗流影做玲瓏疑是珠光弄鏡中棹撥春波還帶藻
幔垂朝日轉憐風但看一葉低青雀不碍雙橋落彩虹
到處吾園無住著歌聲只在水西東

隨喜菴成

明汪汝謙

構得園來又結菴總成泛梗意偏耽若無客訪河邊繫
定有僧過水上談柳拂輕煙籠曲檻山含淺黛出層嵐
從今嬾逐笙歌隊一箇蒲團處處堪

題不繫園二首

明張維

愛爾園將不繫名所如煙水一葦輕時看几席消空黛
忽聽笙歌起杜蘅鷗夢偶驚林月白花陰初泊晚涼生
難描西子湖中景應笑經年句未成
過雨青山山氣澄菰蘆住處客爭憑飛觴霞泛柳千樹
度曲聲流雲幾層林放幽香停遠騎寺深黃葉指歸僧
春風二月繁桃李何必漁郎到武陵

湖上秋興

明釋傅如

晴峰秋翠映芙蓉茆屋思歸路幾重高樹猶然來倦鳥
寒花不復惹遊蜂田衣已破裁雲補山粟旋收帶月春

霜冷曉鐘聲漸遠數敲驚起碧潭龍

西湖泛舟有懷隱鱗居士

明釋圓復

西湖湖水碧氤氳曉泛蓮舟到夕曛山翠溼衣竟是雨
溪煙拂樹亂成雲波濤溷世應憐我邱壑藏名祇憶君
綠徧蘼蕪春欲盡隔江消息未曾聞

西湖

明釋法聚

大隄迴接鳳山遙金勒東風細馬驕芳草不知埋帝鳥
柳枝猶是學宮腰天空水月三千頃春老鶯花十二橋
聞說樓船醉年少平章獨免紫宸朝

曉過西湖

明釋梵琦

船上見月如可呼愛之且復留斯須青山倒影水連郭
白藕作花香滿湖仙林寺遠鐘已動靈隱塔高燈欲無
西風吹人不得寐坐聽魚蟹翻菰蒲

夢裏湖山爲孫懷玉作

明釋天祥

杭城一別已多年夢裏湖山尙宛然三竺樓臺晴似畫
六橋楊柳晚如煙青雲鶴下梅邊墓白髮僧談石上緣
殘睡驚來倍惆悵可堪身世老南滇

國朝

西湖襍感二首

錢謙益

方袍蕭灑角巾偏纔上紅樓又畫船脩竹嬋娟調
鶴地春風蘊藉養花天蝶過柳苑迎丹粉鶯坐桃
溪候管絃不是承平好時節湖山容易著神仙
西冷雲樹六橋東月姊曾聞下碧空楊柳長條人
綽約桃花得氣句玲瓏筆牀硯匣芳華裏翠袖香
車麗日中今日一燈方丈室散花長侍淨名翁

留題湖舫二首

舫名不繫園

錢謙益

園以舟爲世所稀舟名不繫了無依諸天宮殿隨

身是大地煙波瞥眼非淨掃波心邀月駕平鋪水
面展雲衣主人欲悟虛舟理只在紅粧與翠微
湖上隄邊檣棹時菱花鏡裏去遲遲分將小艇迎
桃葉徧採新歌譜竹枝楊柳風流煙草在杜鵑春
恨夕陽知憑闌莫漫多回首水色山光看總宜
送丁飛濤弋雲之湖上

吳偉業

把君詩句過扁舟置酒離亭感舊游三竺雲深勞
想像六橋鶯老亦風流湖山逸氣歸詞苑兄弟文
章入選樓爲道故人憑問訊藕花菱葉幾經秋

西湖憶舊

張遂辰

西湖終古水粼粼往事風流跡已湮酒散樓臺空
浸月雨餘花柳冷禁春又看歲換銷金粉不待烏
啼減畫輪數點煙中舊燈火令人長憶舊游人

湖上望春

張遂辰

西湖向曉渡爭喧杜若蘼蕪香漸繁牆出鞦韆近
寒食人攜絲管訪名園家家花樹渾相惱日日春
心不可言自是太平多宴豫傾城車馬在郊原
花下樊致翁邑侯招同黃貞父秦冰玉湖讌

張遂辰

昨來風動珮珊珊二月西冷夾道間花外舟移春
水岸酒邊樓滿夕陽山地遺佳麗游心古人際昇
平樂事閑莫訝夜烏啼上堞使君燈火未曾還
白雲棲歸復游楊梅塢石筍峰諸勝

孫霖

春衫渾帶白雲回又向禪棲深處來可愛筍峰眞
似筍那知梅塢竟無梅一聲野鳥啼還歇幾點山
花落更開乘興已忘途遠近夕陽影裏暮鐘催

西湖二首

稽宗孟

天目崢嶸萬仞青龍飛鳳舞下西冷六橋煙柳藏
春塢三竺雲山列畫屏花滿僧樓人度曲月明漁
港夜揚舫白蘇自是神仙吏千古風流在此亭
天洗鴻濛蕩素波羣峰鵠立擁青螺夕陽簫鼓煙
霞寺春雨牛羊瑪瑙坡風雅最宜修禊酒詩狂愛
聽接羅歌也知此水吾師友一月須教十數過

西溪題友人居

關 鍵

數曲清池負草堂木橋斜度見斜陽野漁急艇求
鰕菜花市閒門鬪羽觴終日道書松館靜一牀丹
訣荔陰涼城門散髮知何地空對巢居羨潁陽

雨中憇吳山道院

周茂源

石壇高館鬱崢嶸香霧微茫卷翠旌玉女窗涵山
雨潤仙人樓瞰海潮平瑤笙白鶴空中舉錦樹繁
花坐外明夜向朝元探寶籙雙珂儼作步虛聲
紫陽山丁野鶴亭

王修玉

草閣平臨古澗寬流泉疎竹繞齋壇人歸化鶴長
遺世客到題詩獨倚欄紫蔓看花秋色老蒼松落

子雨聲寒尋眞更向峰頭去洞裏仙人碧玉冠

題天竺定上人山居

張競光

屏迹春山枕翠微竹房寂歷偃荆扉六塵縹緲黃
雲靜三徑陰森白日稀天竺先生懷古處南宗高
士蘊清機濃花碧草垂垂發檻外流泉百道飛

小集湖舫因上放生池晚步

陸世楷

畫舫清樽午夏宜晚涼薄醉步南池客來僻地笙
歌少僧返斜陽鐘磬遲開府勳名垂奕代禪林建
置異前時悠然在藻無驚餌卻喜微風動碧漪

中秋湖上讌集

嚴我斯

風日湖干好放船況逢佳節此流連寺邊叢桂香
無數雲裏雙峰晚更妍賦月謝莊秋興遠觀濤枚
乘彩毫鮮憑闌不盡登臨意其道清輝勝往年

西湖

朱昆田

水仙祠宇沒平蕪寶所山圍異給孤白塔亂堆歌
舞地青山舊繞帝王都好風昨日又今日新漲外
湖連裏湖安得六橋重插柳飛花徧撲酒家壚
同汪岳如游西湖

吳嘉枚

明聖湖邊我舊游重來堪喜復堪愁溪山不改今
非昨霜鬢頻添春復秋一路丹楓橫遠黛幾家煙
火度危樓與君共醉林逋月折得梅枝當酒籌
沈石田冷泉圖真蹟在余家二十年矣躑躅軟紅
言歸未遂對此恍置身故山林壑間不覺神往

因和錙汝二君韻二首

龔翔麟

曾倚孤亭送落暉雲林風景記依微泉聲咽石奔
難住嵐氣侵衣溼不飛歲月漸增塵跡老鄉山久
別夢游稀吟詩看畫生惆悵白髮盈頭猶未歸

扁舟自別錦軍城日日銅街信馬行畫裏青山逢
舊識眼前烏帽笑浮名秋風縱爽蓴魚約煙水終
尋鷗鷺盟記取歸時攜卷軸先來亭上聽泉聲

白山陰歸杭州將有豫章之行重泛西湖留別四

首

周起渭

熟梅雨足漲晴波柔橈聲來碎芰荷出浴峰巒當
鏡好起眠楊柳受風多青山處處供詩酒別眼昏
昏醉綺羅暈碧裁紅心力減自慚無奈晚煙何
連日船窗風雨聲雷峰一見眼光明花當橋畔偏

勾蝶柳入隄邊最佳鶯萬頃波濤沈碧巘羣峰翠
靄沒層城晴雲暖日湖光好不礙林間宿霧橫
繚白縈青簇化工探金碎碧點空濛明朝一別芰
荷雨世上應無楊柳風草綠裙腰波染翠山銜日
腳樹爭紅再來坡白腸堪斷黑髮他年兩鬢蓬
煙光林際捲樓臺粉汗橋邊浸綠苔芳草只能教
蝶舞嬌花不解背人開吳姬好共湖光住詞客還
隨春水來莫笑情痴桑下戀世間何處有蓬萊

西湖

沈季友

看盡西湖湖上峰峰峰寒翠似芙蓉花迷帝子宮
中路煙落空王座下鐘白葛風流椰葉小紅闌艇
子藕香濃青驄油壁頻來去何處相逢九里松

西湖卽事

沈季友

一葉輕航載酒過環湖亂點岫如螺煙寒碧柳斜
依岸露溼紅渠淺拂波臨寺偶邀狂客賦隔舷初
聽麗人歌沿洞不盡尋秋意十里蒼茫落照多

西溪訪藍氏山莊

汪鳴瑞

一篙渦水停船問彷彿橫山舊草堂沙輦卻宜扶

屐過邨深時送焙茶香梅花泉近休穿井鳳鶯峰
青半入牆砥待秫田營十畝也移家具住南漳

癸巳暮春重游西湖留別二首

王式丹

日傍山椒溯水涯芒屨幾兩踏煙霞大招岳墓兼
于墓小憩林家與葛家高嶺雙尖蟠老木平湖四
角長新葭盪胸自要尋邱壑弔古懷人一倍加
層巖窄崑俯清流騁日登臨占上頭近郭煙橫不
斷樹隔江山入最高樓窗搖竹色精廬迴門聽潮
聲古剎幽坐對奇峰忽忘返欲移家具住杭州

詩 七言排律

寄題虎跑寺無已求上人滴翠軒

明

高得暘

千古大慈清淨境一軒小立碧峰坳遠煩好事輸材木
試與安禪蓋把茅坐席不施閑玩具行囊且解遠遊包
襟懷冰雪欣蕭灑踪跡塵埃恥混淆雲巘晴嵐供帳設
風林爽籟鼓絃匏澗阿怪樹龍新抉石罅靈泉虎舊跑
空翠濛濛如墜露湧珠汨汨遽成泡染衣秋色何曾著
過眼春華不待拋東向松枝時復顧西來貝葉日頻鈔
此郎乃向僧中見老我方爲客裏交夙世有香曾結願

西泠志 卷三十一
長年無信恐貽嘲舊遊門徑須重訪拄杖非因看竹敲
國朝

遊白沙泉因至無門洞同茂三次寅

吳農祥

湖背清泉嶺路遙白沙泉湧異昏朝朝時似乳還
成霧昏後流膏亦帶潮丹液琮琤聞外靜紫華璀璨
璨望中消轆轤爭罷天河轉笈簪攜遲地軸搖榆
柳漫山圍古樹芝蘭匝徑產靈苗飲餘多覺形骸
換汲盡真憐肺腑焦野鴛魚鱗翻石壁舊祠鴟尾

插雲霄滴成星渚驚澎湃散入溪田愛寂寥午過
狂吹風片大晴空忽作雨絲飄衣襟濺處珠林破
杖屨探時玉葉凋暗竇久無烏鵲集澄潭應有鬼
神朝便宜卜築巖阿裏同品龍湫記斗杓

詩 五言絕句

湖上夜飲

唐 白居易

郭外迎人月湖邊醒酒風誰留使君飲紅燭在舟中
人日出遊湖上

宋 楊萬里

放閘冷泉亭抽動一天碧平地跳雪山晴空下霹靂

去時數點雨歸時數片雪
兩雪兩不多山路雙清絕
舊臘緣多雪新年未有梅
殷勤下天竺隔水兩株開

西湖小景

元 程鉅夫

一片含情水笙歌日日春
至今圖畫裏輸與眼明人

湖上感事漫成四絕奉寄玉山

元 楊維禎

湖水碧於天湖雲薄似煙
鴛鴦不驚亂飛過岳墳前
湖水明於鏡湖泥濁似涇
祇應衰血在染得水華清
海嶠浮西日關梁轉北風
蘇郎書未返愁絕鴈來紅
將石星空墮靈山鳳不飛
惟餘壩頭水西去復東歸

湖上

明 宋 濂

爲愛湖光好一步一長吟
黃鶯見人至飛起度湖陰

晚渡西湖

明 王叔承

西湖宜晚渡趁得采蓮船
越女驕吳客褰衣再索錢

題何使君西湖泛舟卷

明 陳獻章

潮勢傾滄海江聲下富春
西湖剛十里偏耐醉遊人

湖上漫興

明 洪 鐘

斷岸高低樹孤亭遠近山
木蘭舟上酒春到野人間
沙鳥弄晴波茅堂轉綠蘿
主賓甘冷淡邨酒對漁歌

香度綺羅風山明水態空趁還康樂屐拋卻鮑家驄
對此芙蓉花偶坐涼風樹不羨紫薇天醒人稱僕射

西湖曲

明 李東陽

湖波綠如翦美人照青眼一夜愁正深春風爲吹淺
不信湖中好儂身別有家翻愁歲華盡不敢採蓮花
風落平沙稻霜垂別渚蓮西湖三百畝強半富兒田
草碧明沙際花紅試雨初官船盪素槳驚散一雙魚
莫唱西湖曲湖邊歌舞稀儂家年少日遊冶誤芳菲

西湖豔歌

明 朱應鐘

湖北復湖東湖水綠於髮湖上諸女兒踏青二三月
郎從湖口來停船目相逐不看芙蓉花看著儂手摘

和陳伯孺西湖十詠二首

明 柳應芳

偶向武林遊會於天竺住明日欲離山晴霞故變雨
夜半高峰望微茫海日光下方未覺曉應是蔽扶桑

西湖子夜歌

明 吳 兆

湖女二三月相將戲水涯新隄看楊柳舊隄看桃花
新著杏紅衫試騎赭白馬馬驕隄路窄急爲扶儂下
三橋當路半正好與郎期湖水原無侶郎來那有期

西湖志 卷三十一
南峰望北峰如歡又如儂何當雲霧合兩峰作一重
渡頭人眼衆船開不敢要慣知儂泊處不過西泠橋
外湖歌折柳裏湖歌采蓮聞聲不相及意緒風中傳
西陵花深處舊是情人路湖船不出湖願歡尋故步
梅寄孤山梅柳折斷橋柳兩地本無情郎心那得久

湖上晚春

明釋守璋

草深煙景重林密夕陽微不雨花猶落無風絮自飛

詩 六言絕句

次韻聞復西湖夏日

宋釋道潛

山水初無今古人間自有沈浮試問行歌野老桑麻用
事何憂

老葑年來席捲吳儂舊恨彌伸昨夜馮夷鼓吹遨嬉抵
徹諸鄰

夜深一碧萬頃彷彿明河接天岸曲風篁成韻絕勝細
筦危絃

西湖清淺可泛湍險豈類瞿塘隨處菰蒲蓮芡櫛風沐
雨尤香

南窗寄傲一榻午帳風來卷舒懶躡子雲陳迹解嘲更

續成書

燒空火雲萬丈氣焰信可流金嗟爾龜魚得計適然遊
泳滋深

櫟社侵堦美蔭鳴蟬光質初涼薰風正被草木莫作秋
聲感傷

柱礎爭流餘潤油雲懶改山容定有盲風怪雨曉來已
聽鼉龍

湖光宛同玉鏡隄柳闕若房櫳六月行人過此未輸仙
客壺中

河漢斗杓橫七重城漏鼓傳三露鶴一聲何許戛然振
響空巖

次韻聞復湖上秋日

宋釋道潛

澤畔蒹葭蕭瑟露華落日珠浮撫事少陵多感萬端獨
立懷憂

禪餘偶登絕巘據石聊爲欠伸眼界漫分畦畛誰知大
道無鄰

楚客當年何苦愁懷繚轉非舒賴有管城公子離騷萬
恨能書

西湖發揮有素最盛惟誇樂天遺愛到今不朽長隄一
道如弦

處士尙餘陳迹斷碑橫臥林塘婉約梅花秀句騷人萬
古傳香

草蔓行將漬鞵菊英稍稍敷金南浦愁窺去燕海山莽
蒼雲深

江城秋至幾日風物斗覺淒涼鄰女機絲何有夜聞促
織悲傷

人物年來裴謝背繩追曲周容嗟爾得時蠓蜒故能嘲

晒魚龍

良月娟清媚舒光巧入簾櫳萬籟聲同絲竹細窺一
一空中

可怪狙公巧黠猶迷暮四朝三老我身如枯枿兀然不
動幽巖

題孤山放鶴圖

元趙孟頫

西湖清且漣漪扁舟時蕩晴暉處處青山獨往翩翩白
鶴迎歸

昔年曾到孤山蒼藤古木高寒想見先生風致畫圖留

與人間

湖上春日遣興

元馬臻

夢覺笙歌聲裏人老湖中畫中花意欲回夜雨詩情不讓東風

早春湖上

元張憲

玉驄草軟平田油幙風輕畫船燕子釵頭春勝梨花院裏鞦韆

湖上二首

元張憲

綠蓋遮籠菡萏碧欄搖蕩鴛鴦菴畫船中鼓板銷金鍋

裏時光

紅杏牆頭粉蝶綠楊窗外黃鸝何處春光最好踏青人在蘇隄

湖上

明張文宿

隄上蘇公楊柳水中王令桃花細雨斜風漁艇小橋流水人家

湖上

明豐坊

伍相祠前過雨蘇公隄上斜陽勝景朝朝車馬高樓夜夜笙簧

西湖雜興

明 王叔承

看花須近寒食看潮待過中秋二月十五花信八月十八潮頭

沽酒林逋宅畔折花蘇小墳邊蓮葉擢開明月竹枝歌斷蒼煙

元圃樓臺近水醉鄉日月宜秋萬里鳧舟鷁擢千重貝闕龍湫

西湖

明 屠中孚

三竿紅日花市一片清帘酒家水闊吳儂暮艇風和越

女春紗

片石不妨久坐谿雲臥看飛還風遞花香隔塢時聽茶歌滿山

柳畔不聞鶯語沙頭遠見鷗波明日桃花有約陰晴未審如何

南岫沈沈暝色遠寺微微梵音歸去敲門月下行來路僻林深

國朝

西湖

張綱孫

偶來西子湖畔高樓落日依依花間歌吹已歇柳
外沙禽數飛

顧十一孝廉

嗣立

載酒寓樓遂同夜泛三首

朱彝尊

近郭新晴穀雨故人載酒僧樓商略今宵月色一
艘小舫中流

白鷺鷥拳一足綠楊柳散千條誰唱彎彎月子赤
欄干第四橋

蘇學士隄芳草水仙王廟寒泉正好當頭明月莫

緣半醉迴船

西湖志卷之三十七

總校王詒壽分校

章乃錫
孫瑛校

